

封爵志



三代以前王畿而外封建諸侯秦廢封建爲郡縣漢仍秦法而以諸侯王國參置郡縣間臨川江右望郡春秋戰國時地交於吳楚秦漢之際地屬於九江淮南漢初爲南城永元初始立臨汝縣是時臨川之名未立故未有爲臨川王侯者孫吳太平二年始以豫章東部置臨川郡領臨汝諸縣自是臨川始列爲王國而臨汝諸縣列爲五等之爵故斷自晉宋以下王侯備著於篇

漢

臨汝侯楊無害

史記高祖功臣侯年表無害赤泉侯楊喜之後孝景
帝中元五年復封無害爲臨汝侯武帝元光二年有
罪國除按和帝八年分豫章南昌縣地及南城西北
境地置臨汝縣據此則臨汝之名昔固有之豈臨汝
鄉耶

臨川郡王司馬郁

蔡晉書列傳司馬郁簡文帝子年十七而薨孝武帝寧
康中追封臨川郡王謚曰獻以武陵威王曾孫寶爲
嗣大元九年嗣封宗興降爲西豐侯按三國吳始置
臨川郡晉書地理志臨川郡領縣十如吳舊西豐其

一也

新建縣侯溫式之

溫嶠傳式之嶠次子也按太平寰宇記新建縣在今
崇仁地屬臨川郡非南昌之新建也

南豐縣侯郭澄之

晉書本傳澄之陽曲人義熙末從裕北伐封南豐侯
卒於官是時南豐屬臨川郡

南城縣侯劉懷慎

宋書本傳懷慎義熙十一年以平廣固盧循功封南
城縣男食邑五百戶宋武帝永初元年以佐命功進
爵爲侯增邑千戶景定二年卒追贈撫軍謚肅子德

顯嗣承光中下獄誅時南城屬臨川郡

西平靖侯顏含

含晉侍中以討蘓峻功封西平侯按吳太平二年置西平縣屬臨川郡晉太康元年改西平爲西豐

臨汝公卞範之

弘治志云範之爲桓靈寶侍中進號後軍將軍封臨汝縣公

宋

臨川王劉道規

宋書宗室傳道規高祖少弟晉義熙八年薨諡曰烈武高祖卽位追封大司馬封臨川王食邑三千戶無

子以長沙景王第二子義慶嗣薨贈司空諡曰獻子

袁王熠嗣爲元兇所殺子緯嗣昇明三年夏詔國除南豐王劉朗

宋書文帝本紀元嘉九年十二月甲戌立江夏王義

恭子朗爲南豐王食邑千戶江夏王傳朗爲元兇所

殺孝武帝本紀大明元年以宗室祇長子欽繼南豐

王朗祇誅欽還本泰始三年復以宗室韞第二子銑

繼封與韞俱死順帝昇明三年十二月立故武昌大

守劉琨息頌爲南豐縣王

臨汝公孟靈休

徐湛之傳靈休景子與何晏並著奢豪以肴饌器服

車馬相尙京邑爲之語曰安成食臨汝餽官至秘書
監

臨汝公蓋詡

見宋書南郡王義宣傳後義宣反問至宜陽王劉昱
着婦人衣投臨汝公蓋詡爲地窟藏之事發並伏
誅按南史蓋作孟

南城縣伯褚淵

宋太宗本紀太宗剪除暴主又平四方欲引朝望以
佐大業乃下詔封王景文江安縣伯蔡興宗始昌縣
伯淵南城縣伯各食邑五百戶

新建縣侯王華

宋書本傳上華瑯琊臨沂入元嘉四年卒九年上思
誅徐羨之功追贈衛將軍封新建縣侯食千戶追諡
曰宣子定嗣卒子長嗣泰始二年坐罵母奪爵以長
弟終紹封廢帝元徽三年終上表乞以封還長許之
齊受禪國除

東興縣侯沈攸之

宋書本傳攸之吳興武康人前廢帝子業景和元年
封東興縣侯食邑五百戶昇明二年反誅國除東興

屬臨川郡

安浦侯朱幼

阮佃夫傳朱幼東陽人泰始初歷官南高平太守封

安浦侯食邑二百戶後廢帝本紀元徽五年與阮田夫等謀廢立伏誅國除按太平寰宇記安浦屬臨川郡卽今崇仁縣

東興縣侯吳喜

宋書本傳喜吳興臨安人泰始四年改封東興縣侯食邑一千二百戶泰豫元年上有疾以喜素得人情疑其不能事幼主賜死子徽民嗣襲爵齊爰禪國除南城縣子楊運長

宋史本傳運長宣城懷安人後廢帝元徽二年以平休範功封南城縣子食邑八百戶

新建縣侯樞侃

齊書本傳侃武邑人昇明末以功封新建縣侯食邑五百戶建元元年卒贈南國將軍謚質

齊

臨川王蕭映

齊書本傳映太祖第三子建元元年封臨川王食邑二千戶永明七年薨贈司空謚獻子子晉嗣入梁謀反伏誅國除

臨汝郡公蕭子卿

弘治志建元元年封食邑一千五百戶

西豐縣侯沈文季

齊書本傳文季吳興武康人建元元年封西豐縣侯

食邑千二百戶延興元年增邑五百戶建元二年增封爲千九百戶永元元年同徐孝嗣被害中興元年贈侍中司空諡忠憲

南豐縣子荀伯玉

齊書本傳伯玉廣陵人建元元年封南豐縣子食邑四百戶永明元年桓崇祖誅伯玉并伏法

南豐縣伯蕭赤斧

齊書本傳赤斧太祖從祖弟宋初封永安亭侯食邑三百七十戶建元元年封南豐縣伯食邑四百戶永明二年卒追贈金紫光祿大夫諡曰懿子顓嗣

臨汝侯王志

南史志臨沂人僧虔子永明二年崔慧景平以例封

臨汝侯梁普通四年卒諡曰宏

臨汝公蕭昭文

海陵本紀文惠太子次子永明四年封臨汝公食邑千五百戶隆昌元年秋七月鬱林廢卽皇帝位尋廢爲海陵王

臨汝縣公蕭坦之

齊書本傳坦之南蘭陵人隆昌元年追錄坦之父勳封臨汝縣男食邑三百戶海陵卽位進爵爲伯增邑爲六百戶建武元年進爵爲侯增邑爲千五百戶永光中討遙光事平進爵爲公增邑爲二千戶遙光事

平二十餘日帝遣人圍宅殺之和帝中興元年追贈
中軍將軍

南豐縣侯蕭嶺霄

齊書本傳嶺霄初嗣伯爵建武二年進封侯增邑爲
六百戶卒贈侍中梁天監元年追諡憲武

西豐公王肅

齊書魏魯傳肅煥子永元二年肅詐云欲歸國少帝
詔以肅爲右將軍豫州刺史封西豐公邑二千戶按
王肅以父煥被誅逃入元魏封肅爲平原郡公歸國
之語本自詐言齊之封爵亦是詐之也從史采入聊
以備考云爾

永城縣侯杜杲

文帝天嘉元年以杲預建立功封永城縣侯

臨汝縣子徐世廟

東晉本紀世廟新蔡人初爲道閭驍騎將軍凡有殺
戮皆其用命殺徐孝嗣後封爲臨汝縣子永光二年
上遣禁兵殺之世廟拒戰而死

南豐縣侯周石珍

引治志武帝時封

梁

臨川郡王蕭宏

梁書本傳宏太祖第六子天監元年封臨川郡王食

臨川縣志 卷之二十一
邑二千戶普通七年四月乙酉薨贈侍中大將軍揚州牧諡曰靖惠子正仁嗣天監十年卒諡曰哀無子以弟正立嗣宏薨正立表讓兄正義

西豐侯蕭正德

梁書本傳初高祖未有男養正德爲子高祖踐極立昭明爲太子封正德爲西豐侯食邑五百戶太清三年同侯景謀逆旋爲景所殺按西豐晉縣隋併入臨

川屬撫州府

東興縣侯鄭紹叔

梁書本傳紹叔榮陽開封人天監初封營道縣戶朔弊改封東興縣邑如故七年卒贈散騎常侍護軍將軍諡曰忠子貞嗣嘉定志齊前有東興未詳何時所廢唐武德中復置

臨汝侯蕭淵猷

見南史長沙王傳淵猷藻弟爲益州刺史在州頗僭濫武帝知之以此爲愆還都以憂愧成疾卒諡曰靈

南城縣侯王神念

梁書本傳神念太原祁人魏潁川太守據郡歸欵封南城縣侯食邑五百戶普通六年卒贈衡州刺史諡曰莊南史元帝卽位追贈侍中中書令改諡曰忠子尊業嗣

西豐縣公蕭大春

梁書十一王傳大春太宗第四子初封安陸王大同六年封西豐縣公食邑一千五百戶大寶二年秋遇害

東興侯沈恪

陳書本傳恪吳興武康人太清二年以拒侯景功封東興縣侯邑五百戶大建中卒贈翊左將軍諡元

臨汝公蕭大封

南史大封簡文第九子初封臨汝公太清二年簡文卽位封宜都王

南豐縣侯傅岐

梁書本傳岐北地靈州人太清三年以勦勞封南豐縣侯邑五百戶宮城失守帶疾出居率於家

臨川王蕭大款

南史大款簡文第三子初封石城縣公簡文卽位封江夏郡王大寶元年封臨川王魏寇江陵遇害

巴邱侯程靈洗

梁書靈洗新安海陽人元帝承聖二年以新安太守封巴邱縣侯邑五百戶侯景敗又以功增邑五百戶

光大二年卒贈鎮西將軍諡忠壯按寰宇記巴邱梁

置縣隋廢入崇仁縣屬臨川郡

巴山縣侯黃法氍

陳書本傳法氍巴山新建人初克笮屯元帝承聖二

年封巴山縣子邑三百戶三年進爵爲侯邑五百戶
敬帝卽位改封新建侯

西豐縣侯周敷

陳書本傳敷臨川人侯景平元帝時晉安承制封侯
西豐縣侯邑千戶天嘉二年卒隘月脫于晉安嗣

臨汝侯周迪

陳書本傳迪臨川人元帝時晉安王承制封臨汝侯
邑五百戶按豫章書誤作陳封今改正

陳

臨川郡王陳蒨

世祖本紀蒨始興王長子永定元年高祖受禪立爲

臨川郡王邑二千戶永定三年六月入篡是爲文帝

宜黃縣侯陳慧紀

陳書本傳慧紀高祖從孫永定元年封宜黃縣侯食

邑五百戶光大太建禎明歷年累增邑至六千戶國

亡入隋依例授儀同三司瓊之卒子正平嗣按梁宜

黃隸臨川郡

臨汝侯陳方慶

見南康愍王傳後方慶曇朗次子天嘉中封臨汝侯

禎明三年率兵拒戰爲高州刺史戴智烈所殺

東興縣侯裴志

陳書本傳裴志河東聞喜人天嘉五年封東興縣侯

邑六百戶太建元年改封樂安縣侯西千戶呂梁軍
敗陷于思

巴山郡公黃法蕤

陳書本傳梁封巴山縣侯廢光大元年進爵爲公入
年十月薨垂侍中司空蓋口威子元嗣

巴山郡王陳叔嶸

叔嶸宣帝第十八子後主本紀太建十二年立皇帝
叔嶸爲巴山王讀勇二年卒於長安

宜黃縣侯蕭紀

出入關通志應歸入梁

北魏

宋史三十一

臨川公長孫地汾

北史長孫儉傳地汾以安東將軍封臨川公按舊志
云臨川謁隸南朝蓋假說以爲封號外有臨汝縣公
裴衍跡汝縣子源恭臨汝縣伯趙剛此爲汝州臨汝
縣無疑故不錄

唐

臨川縣公李德懋

唐書太祖諸子傳德懋襄邑王神符子初魯郡王例
降爲公

臨川王李嗣宗

見文苑英華李嶠有爲臨川王讓千牛將軍表

臨川郡王李侁

豫章書僉儀王燧第二子見宗室世系表

撫王李紘

順宗本紀永貞元年四月壬寅封皇子紘爲撫王乾

符三年六月薨

臨川郡王李演

豫章書演禮王惲第三子大和八年八月辛卯詔封

故禮王惲子弘治志作李演

臨川王武嗣宗

見外戚傳嗣宗武后姪

字成縣男王敬丘

見弘治志

楊吳

臨川王楊濛

濛太祖第三子武義元年封廬江郡公睿帝嗣位進

封常山王明年改封臨川累加昭武節度使兼中書

令齊王將謀禪代遣人構其罪降爲歷陽公命王宏

率兵幽之和州二年濛破壁殺宏詣德勝節度使周

本畫策爲本子宏祚所殺陸游南唐書昇元元年十

月追封濛爲臨川王諡曰靈

南唐

臨汝公徐彥

見五代史周顯德五年唐主遣臨汝公徐彥上壽

宋

臨川伯王秀

秀荆國文太子政和三年封

臨川郡侯羅點

紹興五年加封詳見人物傳

臨川郡王趙乃裕

度宗本紀乃裕度宗兄咸淳元年十一月乙未薨贈

少傅追封臨川王

臨汝侯趙宗孟

許王房太宗後

臨汝侯趙叔徹

鄧王府

臨汝郡侯魯朕

臨川縣伯何異

異崇仁人官至尚書

臨川縣子董居誼

居誼臨川人官至侍郎

臨川縣子鄧泳

泳臨川人官至侍郎

臨川縣子陳一薦

一薦臨川人

臨川縣男畢允升

允升臨川人官止知韶州

元

臨川郡公吳澄

元史本傳云澄崇仁人天歷四年六月卒贈江西行省左丞上護軍追封臨川郡公

明

臨川侯胡美

明史本傳云美沔陽人洪武三年封豫章侯食祿一千五百石十三年改封臨川侯十七年坐其子壻有罪賜自盡

臨川王朱磐燁

西江大志云磐燁獻王第二子宣德元年封薨後追諡康僖子奠瑜未及嗣坐父故並廢後追復壬卒諡恭順天順五年廢爲庶人

臨汝王朱子埈

名山藏云子埈周簡王子薨子同銜立薨子安得立明鼎革國除

附公主封邑

宋

臨川公主

姓劉氏諱英媛

齊

臨川公主

姓蕭氏逸名出齊書江敬傳

唐

臨川公主

姓李氏太宗女永徽初進長公主

明

臨川郡主

臨川縣志卷之二十七

宸翰志

宋

晏元獻公會祖

諱

延昌

字

永世追贈諱

宋康定元年十一月日誥曰樞機御政倚於幹臣率義推
恩致於烈祖而親親之教達庸庸之眷深推誠佐運功臣
樞密使特進檢校太傅行刑部尚書上柱國臨淄郡開國
公食邑七千五百戶實封一千九百戶臣晏殊會祖太師
延昌守道純篤秉德懿和天爵甚榮世紛靡及流光自遠
祿不逮其身積善有憑裕則垂於後嘉我弼直本爾孫謀
端守中樞總持機命時惟圖舊德在懋功益增華袞之褒

宜稱師保之重報之禮典厥惟懋哉可特授中書令兼尚書餘如故主者施行

晏元獻公祖諱

部字乾夫追贈浩

康定元年十一月日詰田朕聿圖舊德總理繁機訓命在庭等威異敷而義重辜祖茲典盛焉具官晏殊祖太師部安時養晦順道全神煊高一品之卿終享壽朋之福興宗而屬載世而昌惟夫帝賚之賢實蘊生知之秀輔予初政更踐土司討謀大猷納忠勵節非由貽厥之裕曷底褒封之榮師傅之品已崇而孝孫之報未極宜禮專車之貴庶安特頒之恩可特贈中書兼尚書令餘如故主之施行

晏元獻公父諱

固字伯堅追贈浩

康定元年十一月日詰曰大享合宮受釐宣室均賜中計之福用薦神明之休具官晏殊父固韜玉積躬靡金垂訓清風甚遠于公之門宜高種德方輿畢萬之後必大是生貴嗣爲予從臣原茲禋祀之修克相駿奔之事肆頒茂典追賚幽扁慰其罔極之恩視我無私之律俯惟英爽歆此寵靈可特贈金紫光祿大夫大師中書令兼尚書令開府儀同三司秦國公主者施行

晏元獻公兄諱

融字華叔除殿中丞勅

勅曰具官晏融三陲御史是爲耳目之官一臺紀綱實繫朝廷之治矧茲言責之任以糾官邪爲功宜得俊髦克膺高選以爾氣節剛毅趨操端方學術通於古今議論極其

堅正擢自贊善任副臺端爾其執憲度於殿中遠視聽於天下使玩令者懲矜而加肅犯義者媿悔而知恭副朕以期爲爾稱職可依前贊善大夫加殿中丞

會仁旺贈太師追封沂國公制

建中靖國元年勅君子善善之義不及子孫况推而上之至其祖考所以褒美崇寵顧可不稱哉故先王宗廟之制視其名位之高下以爲世數之遠近而本朝追命之禮亦從其子孫名教之崇卑爾尚書右僕射會布曾祖待書水部員外郎仁旺潛于丘園躬有善行積德之慶施于曾孫爲時宗工名重天下圖任以登于右府褒嘉當及其前人俾乃舊號錫以新名可特贈太師追封沂國公

曾致光贈太師追封密國公制

建中靖國元年勅朕惟有天下者得推其祖考上配于天蓋孝子慈孫所以極其尊崇之意推是心以及夫在位則其寵祿之厚者豈不欲以及其尊親者哉此朕所以褒寵大臣之先以尊爵貴官而至於三世者也守尚書右僕射會布祖諫議大夫致堯文學起家直亮名世而又行其餘澤祿于後昆克殫洪猷作予輔弼朕旣嘉其功推原厥德今茲大饗告成顯施恩典隆爾以楸栴封號尚其享哉可特贈太師追封密國公

會易占贈太師追封魯國公制

建中靖國元年勅會氏系出東魯淵源師友本于孔氏譜

牒詳具雖遠而明子孫盛大繼顯于世守尚書右僕射曾布父太師博士易占文學之美肖其先人議論之長信于來世仕而不遇志存於書沒而愈彰慶鍾厥子屬事比辭燦然有古人之風理財禦邊卓然有當世之具才智競爽爵秩同升其於縉紳殆無一二朕旣任以事思寵其先今茲大享告成顯施沛澤追錫崇階之贈以慰九泉之知可特贈銀青光祿大夫守尚書右僕射位太師追封魯國公

除吳居厚權戶部尚書勅

朕以天下經費領於地官非練習之久足用阜財而明於邦計其孰能之哉朝奉大夫試戶部侍郎吳居厚夙著才望備知先朝積有事功超真侍從前相秉國坐廢十年其黨旣除復加甄敘贊司民部績用滋多朕命爾攝行大常伯之事爾務勤素志圖繼舊勳益終厥官無損令譽可除權戶部尚書紹聖二年五月十七日

除吳居厚尚書右丞勅

執政大臣朕所慎考咨諧爾彌底于熙平肆頒渙恩用褒厥德戶部尚書吳居厚才周器博慎重老成服勤地官咸益邦賦瞻言嘉蹟簡在帝心庶言其同命汝于翼欲覲經邦之勅進承綱轄之司疇陟崇階式昭優眷同心同德尚思繼于古人有猷有爲益勉聽于遠業往祇明命永孚于休可特授大中大夫守尚書右丞

吳居厚辭免右丞不允諭

省卿劄具悉朕率時昭考以經天出治所與者惟二三股肱之良臣是選是信卿才高術正慮遠智周陟華躋要擢自神考出入陪侍望重一時躋登勿疑庶克于翼與言固避殊咈僉謀亟即迺體朕眷倚不允辭中書省

八月十五日又奉諭

朕丕承宣烈復遇舊臣思無替於始終禮當隆於體貌惟時雋舊申錫寵章資政學士正奉大夫充神祐觀使吳居厚器博而材周慮深而識敏遭逢景運寢邁遠圖首膺神考之知繼被奉常之眷厥間爾邵賢勞懋宜肆予觀政之初永言述事之孝擢秦樞柄薦歷歲時曩繇保任之愆常于曩慮茲念省循之久俾復崇階門既乃心祇禪朕命可

特設宣奉大夫

吳居厚復資政勅

朕惟嚴父配天既奉親祠之典赦過宥罪共推作解之恩資政吳居厚擢預政檢特更樞要項因坐廢多年邇復騰諸薦牘序進官聯仍俾舊任勉圖報稱益務欽承政和三年三月初六日知洪州節度事

八月二十七日諭吳居厚

朕膺帝眷薦習嘉祥積用舊文躬修大報緬懷耆德方寄便藩宜起造朝相予肆祀如期趣道母故告勞故諭

本年又諭

卿懋著忠勤積有勞勩望冠樞廷近違朝著出秉元戎之

節往分督府之符藩省肅霜諒綏吉履今差入內侍省武
經大夫榮妙刺史張珪撫問其體朕意故諭

吳居厚知洪州乞納節鉞不允諭

省表罷節鉞及知洪州領一宮觀差遣事具悉卿歷事三
朝躋登二府老成耆舊朕所眷知頃辭樞柄之繁外總藩
垣之重擁旄帥旅克賴壯猷撫問傳宣式昭異數方切毗
倚遽表懇辭并上州麾冀休祠館雖有加於謙忠顧重拂
於眷私其勵爾翼母負朕託所請不允故諭

再乞免不允諭

省劄具知卿懇辭政機仗鉞卧治咨爾耆齡微恙豈宜遽
祈謝事卿素懷忠義神明監相其旋弗藥更宜安慮
用副朕眷庶請不允

吳居厚賜湯藥諭

卿熙豐舊德崇政者英左右朕躬懇辭政柄南昌故郡兼
收畫錦之榮宥密掄材軫念老臣之去儀刑久渴寤寐無
忘屬候屆於嘉平例有頒于珍品副茲藥餌達朕眷私凝
洵在辰天和善護故諭

吳居厚起知洪州御札

朕慎擇師帥無治兵民爰資輔弼之良用付專城之寄具
官吳居厚蚤材選薦允歷地卿晚被朕知遂躋近輔中干
吏議再渙汗恩頒分秘殿之清式彰眷注志遂江湖之逸
閑散老臣宜還事朕專備藩垣體完大臣朕無間於遠邇

臨川縣志 卷之二十七
始終一操汝弗怠於謀猷祇服朕命佇觀報政

吳居厚辭免機柄及謝羣事不允諭

旨覽疏具知卿懇辭柄任卿典司民部知無不爲輔政東
臺贊襄是賴迺以小疾遽請郡麾求卽安保豈朕所望宜
專養耇副朕倚毗勿更陳請

又辭免恩命勅

覽奏辭免恩命具悉卿才識強敏以身任事先帝嘉尚歷
觀已試之効特起廢斥之中進攝地官具有成績進遷官
序式懋爾勞爵服仍照前旨不允辭

吳居厚追封曾祖少文誥

朕躬謁泰壇昭事上帝告成熙事誕布寵釐追榮舊彌之
前人厥有本朝之故實武康軍節度使武昌郡開國公食
邑六千八百戶食實封一千六百戶吳居厚故曾祖太師
少文服仁秉義蹈道體常功名雖裔於乃躬福祿果鍾於
後裔是生賢德爲我寶臣聿推本原宜懋恩賞旣陟上公
之位宜贈榮國之封尚冀明靈歆此光寵可特封昌國公
吳居厚再封贈祖母杜氏誥

朕寅奉靈承之典再嚴陟配之儀欽時殊休用敷慶澤眷
維近密允宜褒榮厥有故常敢忘申錫武康軍節度使武
昌郡公吳居厚曾祖母贈太師追封昌國公吳少文之故
妻徐國夫人杜氏令儀淑德出自甲門流澤發祥歸於名
闕惟時後裔爲世重臣肆于本原式加異數追封大國之

人 壞益彰積善之名尚克有靈享茲明命可特贈益國太夫人

再封曾祖母傅氏誥

朕推奉烈祖配于吳穹既成上儀式敷景福乃眷朝廷之舊德特頒廊廟之徽章武康軍節度使吳居厚繼曾祖母傅氏婉孌靜專柔嘉淑慎嬪于名閔克有令聞爲世者俊顧流芳之俾熾信積善之有餘是用推崇建封大國庶幾未泯歆此寵尤可特贈韓國太夫人

封祖從約誥

朕講修典儀欽崇明祀方告成于熙事用誕布於屬禱追封近列之前人厥有本朝之故實武康軍節度使武昌縣開國公吳居厚故祖太師追封榮國公吳從約秉心慈惠迪已溫良瀛光雖裔於乃躬福祿果鍾於後裔是生者舊擁秉節旄逮追本原宜崇恩禮申錫九章之命再加大國之封庶幾九原知此明命可追封慶國公

封祖母吳氏誥

朕卜新陽之復修大報之文嘉與羣方共膺景貺聿頒異數爰自貴臣追封乃先實修舊典武康軍節度使武昌郡開國公吳居厚故祖母贈太師追封榮國公從約故妻楊國夫人晏氏慈仁淑善溫惠靜專作配名門流光遠裔顧餘休之若此非積善而謂何追惟本原宜崇恩禮封號配於大國等威匹於上公冀爾慈靈尚歆寵澤可追封越國

臨川縣志 卷之二十七 八
太夫人

孔莘夫授廸功郎詔書

皇帝詔曰盛德必百世祀歷觀自古聖賢惟夫子之後千餘歲不絕所謂賢於堯舜者耶六經之道帝王世守之君臣父子所以不忤爲夷者皆夫子之賜也讀其書享其學而可不錄其苗裔乎今襲封者言汝最長有司其如故事官之試以民事以稱朕尊崇先聖之意焉

按莘夫名琬以字行先聖四十九代裔孫也先聖四十二代孫光嗣當唐哀帝天祐三年授泗水令陵廟主朱梁之亂爲洒掃戶孔末所害于仁玉生始九月毋張氏以仁玉避外家得免後唐長興初年年十九

詔闕上書授曲阜主簿因令襲封是爲孔氏中興祖查闕里收族例凡係中興公以後又有譜可查者方許聯宗通譜以前多有僞姓槩不收錄可謂慎矣四十七代孫傳中與公四世孫也當建炎初與宗子端友隨駕幸揚州高宗駐蹕臨安端友傳流寓衢州傳生端問端問生莘夫當孝宗乾道二年加恩聖裔莘夫以族序最長故有此詔是年授臨川丞遂占籍臨川之一都故曲阜譜載莘夫爲臨川始遷祖其後子孫蕃衍所居處有津里人名曰孔家渡其街曰孔家街元徙朝京驛於孔家渡因名曰孔家渡驛明正德六年本支五十九代孫彥孚因曲阜大宗檢查莘夫

後裔令其從子承旺子承順賞諸赴闕里勘合給與收族印帖本縣優免雜泛差徭建廟分祀立戶一都六畝十一甲戶名承旺世爲儒籍乾隆四年曲阜衍聖公委博士孔傳憲查臨川宗譜諸生孔毓奇儒童毓山同博士進謁余得詳閱宗譜始知褒崇有由不與他姓爲伍亦與凡姓孔者有別此詔亦載家譜中故特錄之并論其源流如此嗚呼聖人之明德遠矣豈無達者與于茲土克稱義與之義乎昔所給劄帖有云母得將義男女婿同姓不宗之人徇私受財混行干免孔氏之子孫尚慎旃哉

五代唐楊時任知縣封贈父母勅命

明堂大禮赦書節文應見任文

包已轉三資父母並與

封贈左宣教郎知隰州太寧縣知縣楊時任父封承務郎楊懷恩贈宣教郎母張氏封孺人被旨如右符到奉行天
成三年十一月日

宋楊廷傑任知縣封父母勅命

明堂大禮赦書節文應見任文武官滿考者父母並與封贈前知麗水縣楊廷傑父承任郎楊廷慶轉贈通直郎母艾氏贈孺人被旨如右符到奉行紹興三十一年十月十一日

兵部職方清吏司署郎中事員外郎楊玉封父母及
本身妻勅命

皇帝制曰人子勵顯親之志固資父以事君朝廷覃錫類之恩亦推恩以教孝矧予郎署之英久著賢勞之績肆推恩命奚間存亡爾贈承德郎邵水清吏司主事富乃兵部職方清吏司署郎中事員外郎玉之父安恬有守儉朴不華利濟孤寒散金以周族黨心扶節義積書以貽子孫致茲德器之成蚤擅甲科之美冬曹奏績已荷褒榮戎部升階載申恤典各非特致恩豈徒施是特加贈爲奉直大夫兵部職方清吏司員外郎匪徒慰幽靈於九原亦以施遺範於百世

制曰母有教育之德與父式均國隆褒寵之恩惟臣是勸典章具在存沒攸同爾贈安人趙氏乃兵部職方清吏司署郎中事員外郎楊玉之母性惟靜淑行實端莊雞鳴戒與特相夫以感佑熊丸致警每訓子以義方榮陟戎曹升華郎署顧鼎鍾之養未及而淪音之渙宜隆用賁幽扁以彰淑範茲特加贈爲宜人庶懿靈之有知服休光於無斁制曰六卿分職惟兵部爲特繁四司列官惟郎官爲甚重顧職方之伎賴乃邦政之所先匪慎簡求孰堪委任爾兵部職方清吏司署郎中事員外郎玉起家儒業拔雋賢科首列冬曹載遷戎署雖以佐而署長實以賢而敘陞經世出經術之中政無不善多藝絲多艱之日動罔或愆官許既遵乎常倫禮樂適當乎大慶預加褒寵奚俟諺明茲特進爾階奉直大夫錫之誥命於戲一官薄鎮已遂報親之

心二帝蒙塵尚竭憂君之念殫忠恢復其勿替乎初心尚列穹階更以需千來効欽哉

制曰臣之事君小大惟其所任妻之委贊貴賤視其所從故輔佐之盡勞於勤家則褒錫自頒榮於主鬮典章具在風化所關爾兵部職方清吏司署郎中事員外郎楊玉妻封安人曾氏禮義名家衣冠良配顯榮均被身已荷乎朝章儼戒相成行益敦乎婦職眷茲崇秩載示寵頒用資中閨以旌內助茲特加封爲宜人尚以女貞之訓克殫宜家令予王事之臣得專衛國紹興十五年正月日

兵部員外郎楊玉巡邊勅

皇帝勅諭兵部職方司員外郎楊玉關陝地方逼近醜虜所在其屬廢弛虜一入寇卽在腹裏今秋又報內犯矣今特命爾巡視沿邊等處州縣併軍衛重務爾可卽就各處該管地方操練兵馬修理城池墩臺關隘申勅將士宣揚威武使虜知有備不敢深入斯爲上策倘其匪茹便列屯收堡候懈出擊一切便宜事務朕不中制果能大奮虜氣賞無爾惜若怠玩縱奸邊備如前廢弛非遣爾巡視意也罪不爾貸爾其母忽勉之慎之故諭紹興十年十一月日

元

追封楚國夫人徐君璽書

上天眷命皇帝聖旨因親所以教愛追遠所以厚民雖存歿之已殊而哀榮之未究肇頒湯沐庸賁蒸嘗咨爾翰林

學士承旨光祿大夫知制誥兼修國史程鉅夫故妻徐氏懿德碩人諒惟佳偶所期偕老及其歿也乃生也之有涯永負當年蓋命焉之不淑幸哉有子秩則從夫於戲加恩以隆大臣既無分於幽顯受命而稱命婦尚不昧於尊榮服予休嘉其承無斁可追封楚國夫人主者施行延祐三年六月日翰林學士承旨劉賡視草翰林學士侍講元明善錄付

明

李伯美勅命

勅曰爾江西撫州府臨川縣民李伯美能出錢一千二百石用助賑濟有司以聞朕用嘉之茲特勞以羊酒進爲義民仍免本戶雜泛差役三年尚祈永蹈忠厚表勵鄉俗用副朝廷褒嘉之意欽哉故勅正德七年九月日

李哲母艾氏贈太孺人誥命

制曰通籍之臣皆欲寵綬其父母錫命之典固宜施及于庭幃况令德懿行秀於閨門藉子之賢亟爲表著人情之當然乎爾南京禮部祠祭清吏司主事李哲之母艾氏好禮慈儉淑順孝恭積仁以篤其家擇處以昌其後福祿未究褒嘉令終卽等夫子之秩贈爲太孺人之稱以顯厥魂欽承函宴尚豎無已永言式憑弘治十一年三月十八日

李伯昇贈南京膳部郎中誥命

制曰朝廷待士之恩莫重于褒錫人子報親之志莫切於

顯揚顧惟郎署之英久著賢勞之績肆推恩典矣問存亡
爾贈承德郎南京禮部祠祭清吏司主事李伯昇廼南京
禮部精膳清吏司郎中哲之父郡邑名家鄉閭善士存心
篤厚待物寬平倒廩賑饑已荷衣冠之寵積書教子遂收
科第之功顧鼎釜之養弗逮於郎曹而綸綍之褒載頒于
泉壤眷國恩之愈厚見潛德之有徵茲特加贈爲奉政大
夫南京禮部精膳清吏司郎中諒惟不昧之靈歆此殊常
之渥

李哲母艾氏宜人誥命

制曰國家厚賢能之士必循秩而旌奇君子有祿養之功
思尊父以及母故居位而有聞守職而無過褒述厥家之
泉室恩進茲聞之冥靈固其宜耳爾贈承德郎南京禮部
祠祭清吏司主事李伯昇之妻太孺人艾氏廼南京禮部
精膳清吏司郎中哲之母專靜肅離柔嘉惠順經之以孝
慈緯之以恭儉旣已追之郎署茲當加以寵隆是用等於
夫予之爵亦陞贈夫宜人詔於寤寐尚服永歆引治十八
年十二月二十日

御史劉穎勅

勅巡按廣西監察御史劉穎得總鎮爾廣犬監鄭潤提督
軍務都御史姚鏌鎮守總兵官朱鎮與爾各奏逆賊岑猛
父子構難一方糾合叛日殺官奪印仍煽誘斷藤等峽賊
徒共相爲亂地方殘害甚誦莫測爾等乃能申嚴號令飭

勵官軍分哨統兵併力夾攻破其巢寨擒斬首惡其功可嘉且岑猛逞梟雄之志背恩拒命已十餘年爾等奉命征討接戰之間遂能殲厥渠魁餘黨潰散若非謀斷素定紀律嚴明安能有此今特降勅獎勵以旌其勞但伊子岑邦彥及叛曰韋好等未獲爾等尤宜殫心竭慮獎帥各哨官兵多方設法乘勝攻剿務期盡絕以安地方俟奏捷至日分別等第重加陞賞決不爾各勿以一勝自生驕怠以致遺孽滋蔓有隳前功亦不得貪功妄殺濫及無辜斯稱朕委任之重其欽承之故勅嘉靖五年十月初四日

會宇琦任知縣封贈父勅命

輒有才賢之子以光大之此堂構所由隆也爾曾文燦乃直隸寧國縣知縣會宇琦之父隱不宿名行必度義力田孝弟樂衝泌而不染世紛式穀詩書勤蕪蓁而坐昌後業鳩杖辭賓乎月且鸞章聿賁於雲霄有開自先從子而貴是用封汝爲文林郎直隸寧國府寧國縣知縣服此殊榮以彰潛德欽哉

勅曰人子執杯捲而痛蓋念母也念母而如保之懷必倍惕已國是以紆恤之汝辜氏乃直隸寧國府寧國縣知縣會宇琦之母婦德孔嘉母儀維則飭蘋蘩于著代色思其柔課墳典於哲嗣勞成乎愛祿養未逮懿訓如存是用贈汝爲孺人永慕蓼莪騰輝松檟欽哉

會宇琦任知縣授階及封妻勅命

皇帝勅曰宛陵豐芑重地文脊峙其表午河匯其膏風氣佳麗君子好學小人力穡培之溉之保厥內美繁賢令長是賴汝直隸寧國府寧國縣知縣會宇琦瑋璋偉抱黼藻引才遴秀棘闈展庸畿邑剗割風斤運手操修日鑑明心節勵羔羊壺向冰寒照潔化翔鸞鳳桑從雨潤成陰窮簷遠谷皆春私室公庭如水達於朝廷丕績有成茲用授爾階文林郎錫之勅命夫長吏百務禪躬令辦卽無所不辦乃凌雜傲精宦成持譽猶有易度卽器業可知已爾尚益懋厥終用垂聲績朕且有崇卑以觀其成欽哉

勅曰士儻無弛業仕無違箴雖其自勵哉門內之益婉於賓友不可謂無勸焉疏恩從爵宜已爾直隸寧國府寧國縣知縣會宇琦妻劉氏安貞共式志行相莊喪肺承尊佐讀猶勸膏火庭屏忠內從官不厭縞綦瞻茲花縣之成功實藉蘭閨之敬助是用封爾爲孺人祇服鴻恩爾勤燕微欽哉

會宇琦任知州封贈父母誥命

皇帝制曰國家於臣下既有申命之榮斯於其親亦有加焉爾封文林郎寧國縣知縣曾文燦乃現任四川崇寧州知州會宇琦之父積善餘慶鍾於厥子蓋嘗因子受封矣今予敘陞而親因之茲特封爾爲奉直大夫四川崇慶州知州錫之誥命服此隆恩永綏祿養益勤祇慎光我命詞

欽哉

制曰孝子於被恩榮而必欲及其親者人情之所同也故朝廷於臣下有贈父母及加贈之制所以體其心而隆孝也爾贈安人辜氏乃現任四川崇慶州知州曾宇琦之母儉勤兼至慈惠夙全因子受贈蓋有年矣茲特晉秩加贈爲太宜人懿靈不昧尚克承欽哉

曾宇琦晉階及封妻誥命

皇帝制曰國家分州置收職介郡邑之間其親民也視令其率屬也視守厥任亦得重矣爾四川崇慶州知州曾宇琦才識精明性資端謹筮官壯縣晉興方州四封流豈弟之聲六載著循良之績程書來奏朕用爾嘉茲授爾贈奉直大夫錫之誥命夫士之練事期於綿更積色而州厥有成效則無難族牌矣爾尚益懋初志勿墮後艱朕將視成而登進焉欽哉

制曰國家誕敷恩典褒獎賢能肆性伉儷之良亦被推封之命禮文尤重風化所闕爾劉氏乃四川崇慶州知州曾宇琦之妻德性柔嘉儀容謹飭出自詩書之族嬪於科第之英儼戒相成志不忘乎姆訓儉勤自勵勤必協於家規宜媿夫階茂膺寵命用旌賢淑式耀閨門是用特封爾爲宜人尚敦祗慎之風益迓嘉祥之至欽哉

周曰庠任知縣贈本身及妻勅命

皇帝勅曰朕之愛民甚矣念所與其安利者惟令長爲最

親故簡慎在前褒獎在後要亦激勵民勸使見德爾爾湖廣武昌府咸寧縣知縣周曰庠卓犖宏才端貞雅操明廷釋屣巖邑管符而爾守勵懸魚化行佩犢茂著拊循之教允成愷悌之名所以治狀來聞朕甚嘉焉是用授爾文林郎卽錫之勅命昔漢傳循吏其要歸之德讓無他奇也其治不在奇今與昔豈異哉以爾悃悃而貞心持之母諭初忱毋墮成績卽咸寧永有賴焉陟明有典朕不爾遺欽哉

勅曰良吏以吏爲家豈復知有其家乃朕爲民旌令則當并其宜家之配旌之爾湖廣武昌府咸寧縣知縣周曰庠妻劉氏儀昭淑慎性秉柔嘉美錦功藉於機絲弦歌化基於琴瑟嘉茲雉馴之最徵爾燕婉之賢是用封爾爲孺人祇服延綸益修靈範萬曆二十五年三月十七日

周曰庠贈父母勅命

皇帝勅曰夫士隱德弗耀而能式穀於子以被綵綸而荷章服此與身自致奚異焉爾周天育乃湖廣武昌府咸寧縣知縣周曰庠之父無懷高隱有道逸民孝友重于鄉評詩書嚴于庭訓爰啓香笥奏績名封爾之明德遠矣爰是封爾爲文林郎湖廣武昌府咸寧縣知縣酬教忠於臯令介遐祉於鶴齡

勅曰祿欲養而母不待孝子有深心焉所繇報罔極而慰幽原者則惟是闡章之爲榮已爾湖廣武昌府咸寧縣知

臨川縣志 卷之二十七
縣周曰庠之母婦德靜莊母儀聖善相夫鍾祥於熊夢啓
衍翼成于燕貽乃不永年可無追仰是用贈爾爲孺人服
此明綸光于幽宅

勅曰爲父也妻則爲子也母矧成與生其恩等乎此禮稱
不殊繼母而恩所繇推焉汪氏乃湖廣武昌府咸寧縣知
縣周曰庠之繼母冲儀有則淑德無愆勤儉篤嗣乎前徽
衣絮聿貽乎均愛夫與偕老朕宜均榮是用贈爾爲孺人
德頌鳴鳩恩承鳳凰曆二十五年三月十七日

周曰庠任給事中贈本身及妻勅命

皇帝勅曰朕聞君臣一體君元首也大臣股肱也諫官丹
日也股肱弗力耳目不明則元首爲之弗康爾若設諫署

以神明其耳目列在茲選朕延佇焉爾刑科給事中周曰
庠才識茂明器資凝定擢從花縣晉列梧垣而爾雅志匡
時一心憂國介節久而彌厲忠猷練而愈精式陳解網之
仁春回園土廣迤賜環之益賁在邱園品題不爽私毫議
論獨持大禮邦之司直朕宜虛懷茲以覃恩授爾階徵仕
郎錫之勅命於戲臧孫達以禮諫君君子以爲有後路溫
舒言順而意篤遂爲世家然則人臣昌言非惟福國抑且
福身其豢若丹青之信也言何負於臣哉爾宜一意寧古
知無不言言無不中用以弼朕熙明之理朕行有樂畀欽
哉

勅曰吾諫諍之臣出入禁闈義不還顧雖其自樹茂哉益

亦有內助焉疏榮從爵所以獎臣忠旌婦順也爾刑科給事中周曰庠妻劉氏性秉柔嘉儀嫻敬慎循陵佐養晨昏處棗脯之儀服績襄勤左右就蘭膏之業沃猶持儉貴不忘箴爾夫製錦之工引裾之直唯爾實贊之是用封爾爲孺人再申綸綍之章彌奉衿鞶之訓萬曆二十四年三月十七日

周曰庠任給事中贈父母勅命

皇帝勅曰史有之制宅命子足以觀士夫宅之以德義命之以詩書此其貽謀偉矣原原本本可後疏敘乎爾封文林郎咸寧縣知縣周天育乃刑科給事中周曰庠之父幽人逸致上古遠心禪祿靡懷艱辛自食啓維而課子焉

以丹青幸薦之逢年登于青瑣追惟報國之訓彌深列鼎之悲不有鴻恩曷耐燕翼茲以覃恩贈爾爲徵仕郎刑科給事中式霑瓊闥之華永作松楸之貴

勅曰悲哉詩以銜螻喻母子也乃慈訓儼如而榮弗寓目祿弗逮生依依有懷曷其罔極宜國恩亟憫之矣爾贈孺人李氏乃刑科給事中周曰庠之母德比琚璜行遵圖史丁年挽鹿身解佩以宜夫丙夜囊螢口載書而迪子用勞齊愛以子代師名直振於父郎功實本於慈母茲仍封爾爲孺人霑湛恩于蒿里舒幽宅於萱闈

勅曰禮言繼母如母夫曰如猶二之也使嘗蓺織屨者恩斯勤斯與母奚異焉疏恩上達禮也爾封孺人汪氏乃刑

科給事中周曰庠之繼母毓貞令族媿美前徽宣慈不異
屬離佐學常捐簪珥服勞僕僕贊隱士之高風善誘循循
啓嗣人之大業春生燕壽榮錫鸞迴茲封爾爲太孺人益
安函鼎之調永介岡陵之祉萬曆三十四年三月十七日

臨川縣志卷之二十八

宸翰志

本朝

李學旻贈朝議大夫

誥命

皇帝制曰典孝維君錫類弘昭報本教忠自父服官敬用
承家爾李學旻乃江南分守蘇淞督糧道布政使司奉
議李來泰之父道在禋躬爰被絲綸之重志存室式
引堂構之遺茲以覃恩贈爾爲朝議大夫江南分守蘇
松督糧道布政使司奉議錫之誥命於戲恩逮所生爾
表象賢之美榮施下壤益彰燕翼之庥

李來泰前母張太恭人

誥命

皇帝制曰聖朝弘孝治以勸忠賢循念慈徽而永慕尊寵
賚叨同則先後維均爾江南分守蘇松督糧道布政使
司泰議李來泰前母張氏華茂傷年穠流毓節難替十
情於歿後宜彰母德于生前茲以覃恩贈爾爲恭人於
戲音容隨翟服重光姓字籍隴論復貞爰頒榮命用慰
幽靈

李來泰母江太恭人

誥命

皇帝制曰疏恩將母引推錫類之仁移孝作忠均切顯擢
之念爾江南分守蘇松督糧道布政使司泰議李來泰
母江氏愛子能勞篤義方於杼箱相夫克順端令範於
闈闈茲以覃恩贈爾爲恭人於戲象服昭勞事荷廷綸
之寵熊九遺教永流泉壤之輝順治十八年正月初九
日

李來泰任蘇松糧儲道封本身及妻

誥命

皇帝制曰國家推恩而錫類臣子懋德以圖功懿典攸存
忱恂宜勗爾江南分守蘇松督糧道布政使司泰議李
來泰慎以持躬勤以蒞事服官有日洊歷監司旣取士
以無愆復率屬而克謹式逢慶典宜沛新綸茲以覃恩

特授爾階朝議大夫錫之誥命於戲式弘車服之庸用
勵顯揚之志尚欽榮命用矢嘉猷

制曰靖共爾位良臣既効其勤黽勉同心淑女宜從其貴
爾江南分守蘇松督糧道布政使司叅議李泰來妻曾
氏克嫻內則能貞順以宜家載考國常應褒嘉以錫寵
茲以覃恩贈爾爲恭人於戲敬爲德聚實加儆戒以相
成恩與義均豈以存亡而異視

制曰嘉猷匡國在良臣匪懈厥躬懋爵酬庸卽繼室宜潛
盛典爾江南分守蘇松督糧道布政使司叅議李來泰
繼妻曾氏嗣徽中饋並著相夫之勤令德如琴允恩綸
之並寵式彰壺範尚翟服之欽承

李來泰督學上江

勅江南按察司僉事李來泰自古帝王治天下率以興賢
育才爲首務特用憲臣以董率之任至重也茲命爾前
往江南提督安徽寧池太廬鳳入府滁和廣三州等處
學政爾尚端軌儀崇經術精藻鑑勤課程嚴督飭之條
公獎拔之典毋炫華而遺實毋徇情以市恩俾學術還
醇士有實用以稱朝廷作新人材至意一應考選實勵
降黜等事惟爾學臣爲政督撫不得干預所屬府州縣
提調官有任情徇私沉抑寒士濫收鑽營表率無狀者
卽轉報該撫糾叅教官賢否惟爾專職徑行從實舉劾
卧碑條例及禮部題准申飭事宜爾當著實舉行近有

傳論嚴禁考試情弊尤當恪奉遵依爾受茲委任務嚴
絕情面一秉虛公俾士風丕變時惟爾功如或蹈常襲
弊違命曠官亦惟爾罰爾其慎之故勅順治十二年正
月二十一日

按道員傳 勅不爲一人而給理可不載惟順治十
二年釐飭學政 勅書而外又加 手勅爲後此所
無且既直出道臣姓名則與坐名勅書無殊故特志

焉
管愷任編修封父母

誥命

皇帝制曰資父事君臣子篤篤匪躬之誼作忠以孝國家引
錫類之恩爾管國謙乃內秘書院編修管愷之父善積
於身祥開厥後教子著義方之訓傳家禮堂構之遺茲
以覃恩封爾爲文林郎內秘書院編修錫之勅命於戲
殊榮必逮於所親寵命用光夫有子尚宏佑啓益勵忱
恂

制曰奉職在公嘉教勞之有自推恩將母宜錫典之攸隆
爾內秘書院編修管愷母左氏壺範宜家夙協永筐之
媿母儀諭殺載昭晝莪之芳茲以覃恩贈爾爲孺人於
戲彰淑德於不遐式榮象服膺寵命之有赫承賁泉廬
康熙九年五月初六

管愷任編修封本身及妻

詔命

皇帝制曰錫類推恩朝廷之大典分猷亮采臣子之常經爾內秘書院編修管愷品行端凝文思淵博簡居詞苑奉職無愆慶典欣逢新綸宜賁茲以覃恩授爾爲文林郎錫之勅命於戲弘敷章服之榮用勵靖共之誼欽茲寵命懋乃嘉猷

制曰恪共奉職良臣旣殫厥心貞順宜家淑女爰從其貴爾內秘書院編修管愷妻熊氏含章協德令儀夙著於閨闈黽勉同心內治相成於夙夜茲以覃恩封爾爲孺人於戲龍章載渙用褒敬戒之勤翟苒欽承益勵柔嘉之則康熙九年五月初六日

管天祥任遊擊封本身及妻

詔命

皇帝制曰褒忠表義昭代之良規崇德報功聖王之令典特頒恩命以獎勤勞爾江西南贛鎮標署都司僉書管前營遊擊事管天祥起身行伍克自振拔授以署都司僉書無忝厥職服勤戎務訓練有方爾能小心匪懈著有勤勞式逢慶典宜沛新綸茲以覃恩特授爾階懷遠將軍錫之誥命於戲恩推自近乃弘獎夫崇階業廣惟勤尚克承夫寵錫欽予時命勵爾嘉猷

制曰夙夜維勤人臣寧遘內顧伉儷無忝國常豈靳隆施錫章服以酬勛念壺儀之媲美爾江西南贛鎮標署都

司僉書管前營遊事管天祥妻羅氏克勤內德宜爾室家眷良臣靖共之猷賴淑女匡襄之助爰褒令範式沛新綸茲以覃恩封爾爲淑人於戲敬爾有官肅閨門而合好職思其內尚勉以同心祇服殊恩用昭壺德康熙十四年二月十四日給

管天祥任遊擊封父母

誥命

皇帝制曰揚名顯親爲子者願以令德歸之父考績褒賢教孝者宜以高爵作之忠是用推恩特申休命爾管天我乃江西南贛鎮標署都司僉書管前營遊擊事管天祥之父義方有訓式教無懈念爾嗣之勤勞旣克家而報國俾爾澤之昌大爰錫類以昭仁茲以覃恩贈爾爲懷遠將軍江西南贛鎮標署都司僉書管前營遊擊事錫之君命於戲教誨爾子永勿忝於家聲聿修厥德尚無負於國恩欽承寵命慰爾幽靈

制曰國體勞臣必溯源而沛澤家崇誥嗣爰歸善於厥生盛典維新壺儀愈著爾江西南贛鎮標署都司僉書管前營遊擊事管天祥母吳氏幃範克端胎教居身教之先慈訓惟勤能愛在能勞之後宜沛勲封用昭母德茲以覃恩贈爾爲淑人於戲子情罔極感顧復而敦孝國綸普被念劬勞以疏榮嘉乃思勤褒其遺範康熙十四年十二月十四日

管天祥任遊擊封祖父母

誥命

皇帝制曰恩彰下逮勉篤棊於群寮家有貽謀本恩勤於大父用溯源流之自爰推綸綍之榮爾管正三乃江西南贛鎮標署都司僉書管前營遊擊事管天祥之祖父植德不替佑啓後人綿及乃孫不彰鴻緒休貽大父聿觀世澤茲以覃恩贈爾爲懷遠將軍江西南贛鎮標署都司僉書管前營遊擊事錫之誥命於戲垂裕孫謀已沐優渥之典崇褒祖德用邀錫類之仁始歎奕祥佩此新綸

制曰一代褒功勸酬示後再世承恩崇獎及先績旣懋於

公家寵宜追於王母爾江西南贛鎮標署都司僉書管前營遊擊事管天祥祖母胡氏爾有慈謀裕及後昆念茲稱職端由盡教爰錫褒儀之貴用昭種德之勤茲以覃恩贈爾爲淑人於戲迺其家法愛勞旣殫先圖賁乃國章昌歆益開來緒永期丕贊用席隆庥康熙十四年十二月十四日給

管鉅任知縣封本身及妻

勅命康熙五十二年曾鼇授文林郎妻黃氏封孺人 勅

命詞同

皇帝制曰分符百里必遴出宰之才報最三年爰重懋官之典爾江南淮安府清河縣知縣管鉅雅擅才能克宣

慈惠撫綏有要常深疾痛在己之心懷保無窮不忘顧復斯民之責茲以覃恩授爾爲文林郎錫之勅命於戲前勞已茂用褒制錦之能來軫方邁益勵飲水之挾制曰良臣宣力於外劾厥勤勞賢媛襄職於中膺茲寵錫爾江南淮安府清河縣知縣管鉅妻傅氏終溫且惠既靜而專綦縞從夫克贊素絲之節蹟繫主饋爰流彤管之輝茲以覃恩贈爾爲孺人於戲敬爾有官著肅雍而並美職思其內昭淑慎之遺徽

制曰在公必敬臣心每待助予聞聞齊體爲均國典必疏榮於繼續爾江南淮安府清河縣知縣管鉅妻熊氏以順爲正無成有終柔嘉克踵乎前徽琦瓊流譽慶澤用招其詞美羅禱增光茲以覃恩封爾爲孺人於戲如綸如綺勿忘象服之榮宜室宜家允副鸞書之錫康熙三十六年七月十九日給

羅興義任知縣贈父母

勅命康熙五十二年曾鼐父若亦贈文林郎母吳氏贈孺人 勅命詞同

皇帝制曰求治在親民之吏端重循良教忠勵資敬之忱聿隆褒獎爾羅三錫乃山西平陽府趙城縣知縣加一級羅興義之父視躬淳厚垂訓端嚴業可開先式穀乃宣猷之本澤堪啓後貽謀祿作攻之方茲以覃恩贈爾爲文林郎山西平陽府趙城縣知縣加一級錫之勅命

於戲克承清白之風嘉茲報政用慰顯揚之志昭乃遺
謨

制曰朝廷重民社之司功推循吏臣子斷冰淵之操教本
慈幃爾山西平陽府趙城縣知縣羅祖義之母吳氏淑
慎其儀柔嘉維則宣訓詞於朝夕不台育子之勤集慶
澤於門閭式被自天之寵茲以尊恩爾爲孺人於戲
仰酬顧復之恩勉思撫字載煥絲綸之色永賁幽潛康
熙五十二年三月十八日

陳縱任訓導賜贈父母

勅命

皇帝制曰任使喬才稱職志在官之美馳驅奏效報功膺

錫類之仁爾原任江西瑞州府新昌縣儒學教諭陳善
乃江西南昌府奉新縣儒學訓導陳縱之父雅尚素風
長迎善氣弓冶克勤於庭訓箕裘丕裕夫家聲茲以覃
恩賜贈爾修職郎錫之勅命於戲肇顯揚之盛事國典
非私酬燕翼之深情臣心彌勵

制曰奉職無愆懋著勤勞之績致身有自宜酬鞠育之恩
爾江西南昌府奉新縣儒學訓導陳縱之母梁氏淑範
宜家令儀昌後早相夫而教子俾移孝以作忠茲以覃
恩賜封爾爲八品孺人於戲賁家服之端嚴誕膺鉅典
錫寵章之渙汗用表榮施康熙六十一年十一月二十
日給

李紱任編修封父母

勅命

皇帝制曰宣猷服采中朝抒報最之忱錫類推恩休命示
酬庸之典爾李士義乃翰林院編修加一級李紱之父
令德踐修義方夙著詩書啓後用章式穀之風弓冶傳
家克作教忠之則茲以覃恩爾爲儒林郎翰林院編
修加一級錫之勅命於戲篤生杞梓之材功歸庭訓丕
煥絲綸之色澤及泉臺

制曰壺教凝祥懋嘉猷於朝宁國常布惠揚休命於庭闈
爾翰林院編修加一級李紱之母吳氏勤慎宜家賢明
訓後相夫以順舍內美於珩璜鞠子有成樹良材於楨

幹茲以覃恩封爾爲大安人於戲昭茲令善之聲榮施
勿替食爾劬勞之報慶典攸隆康熙五十二年三月十
八日

李紱任編修封本身及妻

勅命

皇帝制曰丹地儲才妙簡金閨之彥木天奉職夙推玉署
之英爾翰林院編修加一級李紱學通載籍品著珪璋
珥筆西清曾羨窺乎四庫分藁東觀雅擅譽夫三長茲
以覃恩授爾爲儒林郎錫之勅命於戲揆藻稱論思之
選疏榮及清切之班渥澤宜承素修加勵

初任翰林院庶吉士二任翰院編修三任今職

制曰不續奏於中朝端賴閑家之助寵章頒於慶典宜分
齊體之榮爾翰林院編修加一級李紱之妻徐氏早習
女儀克修婦職雞鳴交儆既祇節於素絲蠶績執勞用
邀恩于紫綉茲以覃恩封爾爲安人於戲巾鞋彰和順
之風鸞書誕賁延陞煥褒嘉之命象服茂膺康熙五十
二年三月十八日

李紱任兵部侍郎封贈父母二品

誥命

皇帝制曰華胄清資佑啓必原於嚴父令儀碩望蕃昌聿
振於名門爰渙國恩用彰家訓爾李士儀乃經筵講官
兵部右侍郎加一級李紱之父操守醇粹啓迪勤劬儒

席傳珍珠就珪璋之益良材肯構蔚爲臺閣之英門祚
方新寵章洊被茲以覃恩贈爾爲通奉大夫經筵講官
兵部右侍郎加一級錫之誥命於戲承家有子尹昭孝
治之風被命自天用作義方之勸式承茂獎追念德音
制曰推恩邇本爰錫慶於親闈稟訓入官並歸功於母教
式頌渥典用播嘉聲爾經筵講官兵部右侍郎加一級
李紱之母吳氏順以承夫勤於課子宅能三徙夙成俎
豆之容織就七襄早振文章之緒徽首久著寵命宜加
茲以覃恩封爾爲夫人於戲鴻章疊布尚伸慈孝之思
闡澤長流爾篤令共之誼廣宣休問祇荷榮施雍正元
年八月十三日

李紱任兵部侍郎贈祖父母二品

誥命

皇帝制曰功隆賞懋式弘錫類之仁積厚光流必溯貽謀之澤榮名上逮義問彌彰爾李漢章乃經筵講官兵部右侍郎加一級李紱之祖父作室基先開祥祿後一經代授傳家澤衍縹緲再世宸昌匡國名高黼黻興宗光叶縻爵階崇茲以覃恩贈爾爲通奉大夫經筵講官兵部右侍郎加一級錫之誥命於戲良臣懋績實承舊德之光大父蒙恩丕煥新綸之采式承休渥庶慰顯揚

制曰職崇朝宁嘉丕績於良臣澤沛綸章推鴻慈于大母重闈錫慶累世承麻兩經筵講官兵部右侍郎加一級

李紱之祖母金氏軌儀嫻習風範淑嘉主饋宜家啓再傳之令緒含飴祿後邀三錫之寵光啓祐有原恩施宜沛茲以覃恩贈爾爲夫人於戲芳規未逸尚貽昌大于方來寵賚仍加庶保昭融於罔斁用酬母訓永荷王綸
雍正元年八月十三日

李紱任兵部侍郎封本身及妻二品

誥命

皇帝制曰國成選暢宣常武之引勳邦政專司佐中樞之偉畧式嘉成績用錫徽章爾經筵講官兵部右侍郎加一級李紱襄理五兵泰稽九法謀猷整豫聿成偃革之風簡園精嚴懋舉詰戎之政寓折衝于樽俎膺重寄於

兩川縣志 卷之二十八
翰鈴盛典欣逢殊榮特沛茲以覃恩特授爾階通奉大夫錫之誥命於戲奮武揆文籌畫爰資廟算禪心輸力勳勤勿替臣勞勉副隆褒益圖來効

初任翰林院庶吉士二任翰林院編修三任翰林院編修加一級四任右春坊右庶子兼翰林院侍講加一級五任翰林院侍講學士加一級六任日講官起居注翰林院侍講學士加一級七任內閣學士兼禮部侍郎加一級八任內閣學士兼禮部侍郎都察院左副都御史加一級九任內閣學士兼禮部侍郎

察院左副都御史加一級署理吏部右侍郎事十任今職

制曰職重中朝允籍公忠之佐德內助必資淑慎之修載音絲綸用光閨闈爾經筵講官兵部右侍郎加一級李紱之妻徐氏閑家維則秉禮無愆同德同心退食勵自公之節謀猷克贊進思抒報國之忱特沛葵章俾膺休寵茲以覃恩封爾爲夫人於戲婦順與臣共同道義貴有終國章並家乘偕輝恩施勿替式承異渥益勉令模雍正元年八月十三日

李紱任戶部侍郎封贈祖父母父母二品

誥命與兵部同今錄封本身

誥命

皇帝制曰任土作貢經邦資天府之儲節用阜生分職重

地官之貳民功果著國爵宜加爾戶部左侍郎仍管戶部三庫事李紱慮綜精詳才優繁鉅修和克奏恪遵九式之規約石常調懋舉三登之績既度支之能副自寵錫之誕膺慶典欣逢綸章特賁茲以覃恩特授爾階通奉大夫錫之誥命於戲月要歲會佐邦家出入之經錫命分榮勵臣子終之節祗承爾服勉盡攸司

李紱巡撫廣西

勅書

皇帝勅諭兵部右侍郎兼都察院右副都御史李紱茲命爾巡撫廣西等處地方提督軍務駐劄桂林府專理該管地方舉劾文職賢否糧餉刑名一切民事且宣布

德意撫安人民約束衙門員役使之恪遵法紀毋致作孽生事擾害兵民操練兵馬撫理甯遠修濬城池詢訪民瘼禁輯奸頑所屬地方應徵應免錢糧皆照戶部題過新定經制遵行曉諭仍細加體察如有司各官朦朧重收借端科派叅奉處治嚴飭所屬察解逃人如遇地方寇賊生發卽會同總督提督總兵官議議統率將領勦滅務盡根株所轄甯遠如有首固梗化讐殺搆亂及忘信奸徒撥置不法事情酌量輕重征勦處置期得其宜凡地方利弊有可蘊息已困振飭維新者逐件條奏請旨施行地方備儲之計如常平社倉等事責令有司力行修舉境內逃丁荒糧責成道府轉行有司從

實察核造冊開報應蠲豁者奏請蠲豁一面曉諭招徠
勸課農種嚴禁濫征侵占使民人樂業毋容有司將見
存人戶概派包賠以致重累黎民所屬司道以下各官
果有真心任事廉能著效者卽據實舉薦如粉飾欺僞
貪酷殃民庸懦溺職者不時參奏副將以下武職聽爾
節制併所屬漢土官兵亦聽節制防守地方剿禦賊寇
提調兵馬舉劾武職賢否一切軍務俱會同總督提督
行如有武官騷擾地方攪害良民縱兵搶掠及隱匿賊
情不報等事聽爾會同總督提督糾參從重治罪爾仍
聽總督節制勅中開載未盡事宜聽爾詳酌施行年終
將行過事蹟及兵餉錢糧造冊送司察考爾受茲委任

須持廉秉公殫心竭力以副委任如意玩廢弛貪黷乖

張貽悞地方責有所歸爾其慎之故勅雍正二年四月

初五日

李紱總督直隸

勅書

皇帝勅諭兵部右侍郎兼都察院右副都御史李紱茲命
爾以總督職銜管理巡撫直隸等處地方紫荆密雲等
關隘贊理軍務兼理糧餉駐劄保定府專理該管地方
舉劾文職賢否糧餉刑名一切民事爾宜布德意撫
安人民約束衙門員役使之恪遵法紀毋致作弊生事
擾害兵民操練兵馬修濬城池詢訪民瘼禁戢奸頑其

衛守備守禦所千總衛千總經管錢穀領運漕船仍照
舊聽爾統轄所屬地方應徵應免錢糧皆照戶部題過
新定經制遵行曉諭仍細加體察如有司各官隊隴重
收借端科派奏處治嚴飭所屬察解逃人督理屯政
河間府至通州一帶河道須督各道屬州縣勤加疏濬
使漕運通便長蘆等處鹽政並宜嚴飭期於鹽政無滯
又密雲等關隘不許擅立關稅侵擾商民嚴禁權豪勢
要侵人田地兜攬糧草蠹耗軍需天津一帶海口重地
尤宜接聯防備沿海烽臺設法嚴察不得廢弛修造運
艘製辦火藥器械如地方寇賊生發卽會同提督總兵
官計議統率領戮力勦滅務盡根株凡地方利弊有
可藉資民困振飭維新者逐件條奏請旨施行地方備
儲之計如常平社倉等事責令有司另行修舉境內逃
丁荒糧責成道府轉行有司從實察核造冊開報應蠲
豁者奏請蠲豁一面曉諭招徠勸課農種嚴禁濫徵侵
佔使民人樂業毋容有司將見存人戶槩派包賠以致
重累黎民所屬司道以下各官果有實心任事廉能著
效者卽據實舉薦如粉飾欺僞貪酷殃民庸懦溺職者
不時奏奏副將以下武職聽爾節制併該管防守地方
勦禦賊寇提調兵馬舉劾武職賢否一切軍務俱會同
提督總兵官行如有武官騷擾地方攪害良民縱兵搶
掠及隱匿賊情不報等事聽爾會同提督總兵官糾奏

從重治罪勅中開載未盡事宜聽爾詳酌施行年終將行過事蹟及兵餉錢糧造冊送部察考爾受茲委任須持廉秉公殫心竭力以副委任如怠玩廢弛貪黷乖張貽誤地方責有所歸爾其慎之故諭

雍正四年四月初三日

御書奉國馨心堂額恭記

雍正元年春夏之交山東雨澤愆期漕涸船阻六月

初三日部臣請依前例遣部院堂上官滿漢各一員

赴漕河催趲初五日奉

旨命吏部左侍郎臣傅紳都察院左副都御史臣李紱往

董其事臣敬聞

命憂懼謂非大雨時行莫能催也乃

聖德動

天命下而雨是日

陛辭卽霑灑霖燦明日出都滂沱如注行七十里至良鄉

始休又明日至河澗行潦載塗遇河臣遣人飛奏雨

澤云山東亦以是日大雨河道深通矣狂喜奔馳晝

夜催趲自是每漕渠稍淺時雨卽至九月初七日尾

幫盡抵天津銜轡貫舳惟楊村以北潞河秋涸駁船

不敷躊躇却顧必仍有凍阻者直漕臣入京屬其奏

請截留尾幫

詔令會同總理事務王大臣及滿漢倉場總督直隸巡撫

議覆直撫堅持不可漕臣莫能奪廢然而返臣綴飛

疏再請次日至京親奏王大臣仍執撫臣前議荷蒙

天恩特允臣奏俾令親至天津督理旬日事集軍船盡得

還南復

命之日

天語褒嘉倍逾倫等卽日

親灑宸翰書奉國罄心四字以賜御墨淋漓捧歸私邸

瞻仰之下感激涕零不知何以得此於

聖主也竊惟人臣事君致身而已身所可致此心而已心

之智愚存乎材質至于罄竭人皆可勉智不罄心無

補於國愚心能罄亦必有少補焉自惟愚昧材不逮

人惟罄寸心以誠補摭此厥昔所自矢也願事顯易

知心微難見骨肉之親暱就之友猶或莫諒况君臣

之分尊卑濶絕欲九重之上鑒百爾之心惟古昔明

良之盛乃能有此臣何人斯獲茲遭際况截漕之役

實由

皇上如天之仁閔運丁凍阻之苦至誠至切上格

穹蒼故起米之日風日晴和旣罔之餘雨雪稀少又蒙

天恩斷自聖心忘臣疎賤踰尊踰戚排衆議而用之所請

輒行官盛任使用致

天人効順幸免踰越蓋皆出自

聖謨臣特偶忝奔走乃蒙

宸翰莫借鑒其愚而取其心此臣所爲早作夜思屏營蹶
踏沒齒而莫能報也謹拜手稽首記受

賜之由傳之子孫永寶勿替且俾天下後世爲臣子者咸
知此義苟能警心奉

國雖其愚陋亦不遺於

聖明也

臣欽

恭記

御書北堂鶴算扁額恭記

雍正二年夏四月

臣欽奉

命以兵部右侍郎兼都察院右副都御史巡撫廣西瀕行

陛辭

大語俯詢臣母年歲併及赴廣西驛路即蒙

御書北堂鶴算四大字龍錫

臣

母俾臣馳驛迂道過里門

恭摺

宸翰還家因以迎養又

特賜臣母數珠紫貂錦緞紗紬藏香藏棗並

尚方珍御便蕃優渥實古來臣子所希臣以謏劣

蒙受

聖恩施及老親至于如此每一念及晝夜徬徨莫知所以

圖報三年秋九月奉

命移節總督直隸四年冬十有一月轉工部右侍郎五

年春三月奉使廣西貴州清理土司事是秋落職冬

十有一月下吏議特蒙

天恩寬賁俾纂修八旗志書連歲馳驅訖無寧晷

奎章璀璨什襲供奉未遑裝潢去秋稍暇乃始得裝爲鉅

軸今年春賞奉高堂爲壽益是歲臣母年躋八旬回

湖拜

賜之日己七年於茲矣記憶

聖主親灑宸翰時面奉

諭旨朕書此四字以賜汝母欲其多壽俾汝得長爲國家

効力耳今臣母幸康疆如昔誠如

聖諭而臣奉職無狀莫能報稱雖昕夕孜孜未敢乞歸一

拜家慶區區書局微勞不足仰答

天恩於萬一也小雅四牡之詩毛傳謂思歸者私情也靡

盪者公義也鄭氏箋曰君子不以私害公不以家事

辭王事其箋第四章五章則曰君勞使臣敘述其情

故作此詩以養父母之志來告於君益成周盛時君

體其臣臣忠其君者如此

聖主俯詢及於臣母不待將母來諭因奉使公事俾迂塗

迎養不至於不遑將母已過於成周盛王之恩矣至

御書以賜臣之父母則三代時所未有也臣於有周之士

無能爲役敬瞻

宸翰慙然慚惕然思惟有奕世永寶予子孫孫無忘報効

而已雍正八年春正月人日臣李紱恭記

乎厥職而朕預於知人往哉惟休以承新命可授中書舍人

元豐五年 月 日

曾肇集賢校理制

朕惟祖考成功盛德覆被天下固非文字可得名然史記冊書國家之典上以紀先帝言動之跡下以及群臣善惡之實傳之萬世宜有論次具官曾肇以文學選用與放信書朕惟汝嘉是用褒進尚其祇朕以稱朕恩可授集賢校理

曾肇轉朝散郎制

勅士大夫有當秩者皆得以敘進至於近待之列優以三歲之典非謂從官親近而私之也進用賢才理有常爾具官曾肇學術精博造詞甚工操履堅正遇事不苟比司國史煥乎筆削之華進任掖垣確乎議論之正有司考績於法當遷稍陟崇階增重要職勉服寵光之厚益思報稱之宜可授朝散郎

元豐五年 月 日

曾肇轉史部郎中左選制

勅具官曾肇尚書政本失其分職之日久矣朕紀官以實而歸其常守故郎選甚高銓綜之司典領尤重爾以學行材諳列職史筵宜進文階往祇厥敘朕方審覈幽明而公於黜陟尚思勉勵以敏事功可授吏部郎中

元豐五年 月 日

曾肇轉中書舍人誥

勅朝廷以號令鼓四方言之不文行之不遠昔河西諸將
讀聖書而知天子之聖明河北叛臣聞赦命而致武夫
之涕泣故朕思得才良俾代予言知民物之至情識邦
家之大體釋之久矣近乃得之具官曾肇少知爲文老
益更事家傳父兄之學言有漢唐之風汗簡編年手抽
金櫃執筆紀事客侍丹墀比於簡牘之餘試以絲綸之
作油然不竭煥乎可觀俾卽拜於西垣將益觀於來效
雖文稱李杜足以爲賢而事同高崔庶幾適用勉於自
竭以稱異恩可特授中書舍人

元符三年 月 日

曾布守尚書右僕射兼門下中書侍郎制

勅門下左右置相以總吾喉舌之司東西分臺以幹我鈞
衡之任居中如鼎足之時承上若台符之聯相須而成
闕一不可乃登次輔以告大庭具官曾布敏識造微懿
文賞道器周大小之用智適古今之宜被神考特達之
知亟躋禁從膺先朝倚注之重久執事樞而能悉心公
家宣力夙夜忠以事上諠不辭難憂勤百爲壯老一節
肆朕繼臨之始大加翼戴之功泰碑師言圖任舊德文
昌端揆之列紫微陪侍之班合茲諱名作我近輔仍遷
階秩增衙戶封於戲朕有休息百姓之心汝則覲文而

偃武朕有綜覈庶工之志汝則務實而去華以至甄敘
材良敦獎正直澄清風俗振肅紀綱使萬物各得其平
無一夫或失其所汝之職也尚往欽哉可持授銀青光
祿大夫守尚書左僕射兼門下中書侍郎

元符三年 月 日

會肇轉翰林學士兼侍讀知制誥

勅左右侍從之官皆朕所訪問以獻納爲職者也惟翰林
任親地密於夫經營庶務進退大臣未嘗不預咨詢非
獨治翰墨典訓辭而已故特遇之寵不與他學士比其
重如此非智能才請拔出一時豈稱公選爾具官會肇
純明修潔秉直不回學有本源可以圖治體文有師法

可以代予言是用擢於右坦使就茲位今宰內嘉靖朝
廷燕閒朕方明紀綱考制度以行之當世傳之將來夫
能協爾衷以輔朕志論思政理以著之謀猷潤色斯文
以見於號令待爾有當官之效以副予顧俊之心其往
懋哉以承厥敘可特授翰林學士兼侍讀知制誥

元符三年 月 日

會布曾祖仁旺贈大師追封沂國公制

勅君子善善之義下及子孫况推而上之至其祖考所以
褒美崇寵顧可不稱哉故先王宗廟之制視其名位之
高下以爲世數之遠近而本朝追命之禮亦從其子孫
名教之崇卑爾尚書右僕射會布曾祖尚書水部員外

郎仁旺潛于丘園躬有善行積德之慶施于曾孫爲時
宗工名重天下圖任以登于右府夔嘉當及其前人俾
乃舊號錫以新名可特贈大師追封沂國公

建中靖國元年 月 日

曾布祖致堯贈大師追封密國公制

勅朕惟有天下者得推其祖考上配于天蓋孝子慈孫所
以極其尊崇之意推是心以及夫在位則其寵祿之厚
者豈不欲以及其尊親者哉此朕所以褒寵大臣之先
以尊爵貴官而至于三世者也守尚書存僕射曾布祖
諫議大夫致堯文學起家直亮名世而又衍其餘澤裕
于後昆克殫洪猷作予輔弼朕旣加其功推原厥德今
茲大饗告成顯施恩典隆以綴稱封號尚其享哉可
特贈大師追封密國公

建中靖國元年 月 日

曾布父易占贈大師追封魯國公制

勅曾氏系出東魯淵源師友本于孔氏譜牒詳具雖遠而
明子孫盛大繼顯於世守尚書右僕射曾布父大常博
士易占文學之美肖其先人議論之長信於來世仕而
不遇志存於書沒而愈彰慶鍾厥子屬事比辭燦然有
古人之風理財禦邊卓然有當世之具才智競爽爵秩
同升其於縉紳殆無一二朕旣任以事思寵其先今茲
大享告成顯施沛澤追錫崇階之贈以慰九泉之知可

國川縣志 卷之二十九
特贈銀青光祿大夫守尚書右僕射位大師追封魯國

公

建中靖國元年 月 日

曾布觀文殿大學士知潤州制

勅門下審去就之分者大臣之所以事道優進退之禮者
人君之所以勸忠載加次輔之賢申錫便藩之命顧內
外之或異在體貌之惟均誕布冊書式敷群聽具官曾
布畧識宏博性質聰明早發越於猷爲允踐履於事任
從容應物有王佐之才慷慨立朝有仁者之勇被遇神
考翺翔禁從之華見知秦陵密勿樞機之府肆朕纂承
之始登于弼亮之司丕揚繼述之功尤賴將順之助遽
據誠懇所解政機雖眷倚之彌嘉覽封章之屢至念其
有守實亦重遷是用峻秘殿之隆各鎮丹陽之便却遂
其休逸寵厥勤勞於戲論道經邦居則儀刑於百辟承
流宣化出則師帥於一方往復渥恩乃心王室可特授
觀文殿大學士知潤州

崇寧元年 月 日

曾統右諫議大夫制

勅官以諫議爲名蓋列侍從有言責者也事無巨細咸得
開陳當其可從則爲之更命令易取舍其所裨於君心
爲甚大矣朕方於天下之忠讜惟恐不聞則居是任者
必直道而無隱咨爾校書郎曾統器識強敏通達古今

箇在朕心俾司獻替夫能通上下之情而使朕立於無蔽之地治道之所繇出爾必思懋厥功可特授殿中侍御史右諫議大夫

紹興元年 月 日

明

工部虞衡清吏司主事陳勉之父陳彥母李氏勅

勅曰士以才能列官朝署而國家恩典施及其親者所以勤忠履善也爾陳彥乃工部虞衡清吏司主事陳勉之父敦德履善著稱鄉邦訓子義方爲時之用推原所自宜有顯褒茲特封爲承德郎工部虞衡清吏司主事服此隆恩益綿壽祉

母以訓子爲慈子以顯親爲孝肆朝廷推恩臣下必彰大訓子之勞而遂其顯親之願焉爾工部虞衡司主事陳勉母李氏善著閨門訓成其子爰推所自用錫褒榮茲特封爾爲安人服此隆恩永綏祿養

成化十一年九月十八日

工部虞衡清吏司主事陳勉妻梁氏勅

勅曰工部掌百工山澤之政令卽古之冬官也其屬有四皆置郎以長之而協贊其事者必得公勤端慎之事庶克稱焉爾工部虞衡清吏司主事陳勉發身賢科擢任斯職歷年滋久茂著勤能宜錫寵恩以旌勞勩是用進爾階承德郎錫之勅命以爲爾榮爾其端乃心勵爾操

勅于夙夜母怠厥官以稱朕任用之意欽哉

勅曰夫婦人倫之始朝廷褒勸臣下而寵榮之典必及之
所以厚人倫也爾工部虞衡清吏司主事陳勉妻梁氏
克勤婦道以宜厥家茲特封爲安人服此榮恩母怠傲
戒

成化十一年九月初八日

曾潭儀賓誥

制曰人之大倫莫先於夫婦禮之大節莫重於婚姻此古
今之通義也今特命爾曾潭爲朝列大夫宗人府儀賓
配以青田郡君爾尚崇德敦禮克慎威儀母怠母驕用
昭寵命欽哉

嘉靖三十年萬曆十三年曾宗孔誥辭同

青田郡君誥

制曰古之君天下者宗室有女必錫封號所以篤親屬而
昭恩典也弋陽王之孫女年已長成特封爲青田郡君
以爲宗人府儀賓曾潭之配既歸曾氏之門恪修婦道
整肅閨儀母怠母驕式勤內助無累爾父母生身之恩
欽哉

嘉靖三十年萬曆十三年長壽縣君誥詞同

曾佩授修職郎行人司行人勅命

勅曰古之使臣上以宣究德意播之海內而下以同爰咨
誠博采海內之風俗以獻之于天子不獨專以辭命而

臨川縣志 卷之二十九 八
已也今行人司實惟其職非有通方雅飭之士不在茲
選爾行人司行人曾佩始嘗奏對闕下而有司重爾志
行端慤材識堅明足使于四方遂擢茲任而適茲太廟
卽序均釐在廷乃授階修職郎錫之勅命夫國家侍從
耳目之選類簡充于使臣以其閱歷多而聞見廣足以
資論列補拾之益也今朕將宏覽兼聽用儲馭又以備
他日之用爾尚益懋勉哉

嘉靖二十四年 月 日

曾佩進階文林郎山東道御史妻潘氏贈孺人勅命
制曰朕執天下之極以宰制四海唯是風紀之臣爲朕司
直所以上輔遺闕下防比周內弼在朝出按方部紆虔

六察彈壓百僚以肅齊中外之心罔予憲其任重矣
非望實之士豈足以稱茲選爾山東道監察御史曾佩
本自廷對擢在使垣授以茲職有老成忠厚之心持嚴
明正大之體材操兼勵威恕並行所至翕然朕甚嘉悅
蓋有司奏敘乃績進階文林郎錫之勅命朕謁車以輔
持木以表協故古之賢主虛懷以待評議之臣古之令
臣竭心以事昭曠之至所以端輔而正表也茲朕實與
嘉之務宏此路以媿古昔爾旣知夙淬礪矣其尚益畢
乃思務稱朕志將亦有顯命無斁

勅曰古之女婦有賢淑之行者多矣而不得所附則不能
以表著於世蓋國家寵嘉廷臣而榮及閨闈者使幽貞

國川集志 卷之二十九 九
之謔亦因附以自顯也爾山東道監察御史曾佩妻潘氏始自華族嬪於吉人雖天年弗終而德美克配可謂獲所附已茲贈爲孺人服我榮典慰爾泉臺

嘉靖三十二年 月 日

曾佩御史巡視居庸三關勅書一道

皇帝勅監察御史曾佩今命爾往居庸關直抵龍泉關口點閱軍士整飭器械操演武藝守關戍軍人等一應詞訟聽爾就彼問擬發落所在大小關隘逐一躬親踏勘何處墻垣低薄當增爲高厚何處關口損壞當修築堅完何處山坡平漫當剷削令其陡峻何處蹊徑通行當壘塞令其堅固務在修理完備不可苟且虛應故事其

沿邊樹木尤宜嚴加禁約不許官軍人等採柴燒炭圍利肥已致成空曠引惹賊寇或已經砍伐者督令趵時補種務要林木稠密以滋障蔽大抵守關官軍禦敵之日少空閑之日多爾須公同該管官員清出見數編成班次選任廉幹頭目管領督令燒造採辦合用磚灰木石等料應用至爾交代之日須明白畫圖貼說開報已修未修開口及用過人工物料數目以憑差人這行查究如或不實罪有所歸其守關官軍或投托買閑不服調遣爾卽拿問如律應奏請者具奏掣問若分守守備等官有背公徇私阻礙行事及罷頓疾弱不堪任事者聽爾指實奏聞處治近該兵部議覆順德所屬北自錦

繡堂口起南至數道嶺止真定府所屬龍泉關等口修築關隘事務相應一體聽爾巡視查理爾受茲委托必須持廉秉公正已率下使邊關鞏固武備修舉斯爾之能不然必罪不宥爾其慎之勉之故勅

嘉靖二十八年 月 日

曾佩御史查督福建欽取邊餉勅書一道

皇帝勅巡按福建監察御史曾佩遠該戶部題稱各邊歲用錢糧額外增添數多見今供應不敷要將各省一應收貯錢糧清查解部備用相應依擬今特命爾不妨原務照依該部題准事理將該省布政司及所屬府州縣衛所一應贓罰并商稅等項銀兩逐一查明不分年月

久近貯庫寄庫本處存留三分之一其餘二分自文書到日爲始限三月以裏盡數差官責限解部以備接濟邊餉之用所在官司敢有隱匿不報及稽緩怠玩者爾卽指名叅奏究治事完將清查過各該衙門某庫某項銀兩數目并叅過違誤官員名姓造冊奏繳清冊送部查考爾受茲委任宜殫盡心慮查慮詳明急濟國用斯副委託毋或視爲泛常罪不爾貸爾其欽承之故勅

曾如春巡撫河南勅書一道

皇帝勅諭都察院右副都御史曾如春今特命爾巡撫河南地方修理城池安輯人民及督理一應稅糧馬草使軍民及時耕種依期輸納凡遇居民饑荒設法賑濟其

流民復業尤須用心安插毋致失所如有盜賊生發加
便調遣官軍民壯剿捕勿令滋蔓爾宜宣布朝廷德意
戒諭軍衛有司務以安養軍民爲心非奉朝廷明文一
毫不許擅科一夫不許擅役官更有能奉公守法修舉
政務者量爲獎勵其貪酷不才害人誤事者從公黜罰
若軍職及文職五品以上有犯具奏區處其餘就便拿
送所司究問事有便於軍民者聽爾從宜處置一切公
務俱與三司等官協和會議從長施行毋得偏執自用
其河南境內河道關係水利民生亦命爾兼管如有淤
塞衝決應該開濬防守者務要就近稽閱經理會同總
河官行事毋得推諉坐視爾爲風憲重臣須公廉勤慎
正己率下務使軍民安妥地方寧謐河道無阻庶副委
任如或行事乖方速怨貽患責有所歸爾其勉之慎之
故諭

嘉靖二十九年 月 日

曾佩父昂瞻文林郎山東道御史母熊氏贈孺人勅
皇帝勅曰天下有勞積德厚而鬱未啓則所蘊藉者深而
昌顯必大雖不當世必有興者故賤褒之典不徒以推
人子之心實以究本始之義也爾原任湖廣寶慶府邵
陽縣縣丞曾昂乃山東道監察御史佩之父鎮學國雍
贊治維邑脫屣以明志培善以植祥遂使嗣人躋在顯
列所以積其躬而啓其後者可知矣茲以爾嗣之績贈

爾文林郎山東道監察御史庶慰未舉之業尚膺游至之榮

勅曰世之能教其子以有成者其秉義于外則父也而勤劬顧育協德于中則母實有勞焉均有罔極之恩者也故朝廷必因而並褒之爾熊氏乃出東道監察御史曾佩之母早閑詩禮丁景門繼贊義方于哲喬婦儀以肅丹範實敦教之有成固爾之助也茲用贈爲孀人爾尚從夫九原樂茲有子

嘉靖三十二年

浙江紹興府推官陳文煥之父陳廉母萬氏勅

勅曰惟父勵種德則慶延于子惟子享榮名則尊歸于父古今通義也朕錄中外郡僚而增本其所自體孝之心酬忠之義蓋兼舉焉爾陳廉乃浙江紹興府推官文煥之父郡邑名家鄉邦善士安恬有守樸實無華雅志詩書動必遵于古訓敦行孝弟稱不聞于人言用啓才賢車爲時用雖祿養弗逮而善行足徵已茲特贈爾文林郎浙江紹興府推官庶表懿行于幽潛亦示遺範於鄉後

勅曰教育兼隆母之於子恩亦大矣朕資錫在廷而推及慈闈益欲伸其報德之心以教孝也矧其能矢節自守有翊風教者哉爾萬氏乃浙江紹興府推官陳文煥之母齊莊滯內恪慎視身早失所天憇篤勤儉之德中更

多難益堅冰雪之操成立諸郎顯登家嗣苦志可表寵命宜嘉茲特封爾爲太孺人祇膺冠帔之華益衍桑榆之慶

隆慶二年十二月十七日

浙江紹興府推官陳文煥妻何氏勅

勅曰朕承大統建元儲軫念民生恐郡國獄訟不得其理所賴良有司以爲董鞠讞欲其輸誠咸孚使民之協中也任惟其人恩賜何爾浙江紹興府推官陳文煥才猷敏卓學識淵醇起跡甲科筮仕郡佐爾能求中察麗率乃典常以簡刑清禱于長吏下民有不寃之類鄰邦資兼理之能令譽播聞薦疏屢上宜示旌異况值慶封施茲鑄授爾著文林郎錫之勅命夫法者國之憲民之命也朕於紀法諸司尤慎選焉爾政既有成本堪夫受且有新命之及矣其尚勉矢初誠以稱任使欽哉

勅曰人臣守官常贊化理雖其職分之所宜爲而念不私顧斯奉公之志專故婦從夫責載在合典以其有內助之功也爾浙江紹興府推官陳文煥妻何氏夙稟令德懋著徽音敬戒弗愆端良有素宜階榮命用示褒嘉茲特封爾爲孺人尚惇祇慎之風以迓萍繁之寵

隆慶二年十二月十七日

一 行人司行人陳文燧之父陳性勅

勅曰朕肇建儲闈覃敷慶澤凡我廷采皆有以褒錄其親

所以廣孝思均恩貺也矧使臣肅將王命茂著賢勞詎可抑其顯揚之志哉爾陳性乃行人司行人文燧之父蜚聲鬢序表行鄉閭積慶在躬詒謀厥嗣俾奮揚賢第暢譽使垣爾之能教可知已茲以爾子之封移贈爾爲修職卽行人司行人服此渥恩光于遺訓

隆慶二年八月二十七日

會如春父封修職卽行人司行人勅命

勅曰周詩云不遑將父蓋天子所以念使臣也則恩數之錫有可以遂其私而成其孝者朕曷有靳焉爾曾仕乃行人司行人如春之父騰譽膠莒範身矩矱不自顯試以啓嗣賢光朕使垣昭爾庭訓茲以覃恩從爾子移討之請特封爾爲修職卽行人司行人益以式教之規茂迓方來之渥

隆慶二年 月 日

會如春晉階承德郎禮部主事妻徐氏贈安人勅命皇帝勅曰春官掌建邦禮而祀部之列則贊宗伯以奉

天地 宗廟百神之祠事辨典法交神明任至重也爾

禮部祠祭清吏司署員外郎事主事會如春蘊學宏深

稟資夷粹蜚聲甲第宣命使垣游陟秋曹咸祗厥敘乃

簡遷客省晉副禮曹而克秉寅恭德將無替績登明考

朕甚嘉之茲授爾階承德郎錫之勅命於戲傳言明於

祀之說於治天下如視指掌是朕所以夙夜茲祀之意

也尚益懋厥職以贊其長以承宗伯建邦禮之義以達
朕齊誠精白之德於上下欽哉

勅曰士之宣猷樹績專力公家非獨其才操自致也蓋亦
有內助焉錫命偕榮豈聞存歿哉爾禮部祀祭清吏司
署員外郎事主事曾如春妻徐氏毓德名門于歸華胄
事姑嫜以孝敬持家務以儉勤敬相令人懷無內顧乃
榮寵方殷而薰爾其萎朕甚憫之茲特贈爲安人淑靈
未泯寵渥其欽

隆慶六年 月 日

曾如春父仕封承德郎禮部主事母袁氏封安人勅
皇帝勅曰士有績學砥行韜光靡試者則其昌大茂衍若

持券而可徵焉爾封修職郎行人司行人曾仕乃禮部
祠祭清吏司署員外郎事主事如春之父振藻儒林觀
光國學持身有道作善開祥篤啓嗣人揚休清署雖榮
名之未遂實緒業之有承固可優游以觀顯奕茲特加
封爲承德郎禮部祠祭清吏司署員外郎事主事海膺
綸綍之華丕迓桑榆之慶

勅曰稱母之賢必徵於子故嗣人之樹業克昌則母氏之
德音愈播疏榮並重顧不宜歟爾袁氏乃禮部祀祭清
吏司署員外郎事主事曾如春之母莊靜令儀儉勤懿
德相夫教子贊我邦儀賢足尚矣茲特封爲安人及庭
闈之偕壽服綸綍以永光

隆慶六年 月 日

曾如春晉階奉直大夫禮部員外郎妻徐氏贈宜人
誥命

勅曰朕畢宅亮陰獲從于郊廟社稷之事夙夜兢兢無
以薦嘉德承洪休暨諸郵禋厥有典常孰與朕辨此者
爾禮部祠祭清吏司員外郎曾如春早以經術奮于制
科專對之初才稱敏給師德之任辭克簡孚踐更禮闈
柔賓秩祀寅清端雅良稱厥官屬茲初服勞績茂著特
授爾奉直大夫錫之誥命嗚呼國家典禮準諸虞周所
以通幽明之故酌疏數之宜至詳至備爾尚精白乃心
博稽審議勉副爾長洽和神人肅彛章節思紀用澤宣

予新命欽哉

制曰詩稱蘋蘩筐筥之羞采盛湘奠之節豈非齊季所有
事以相其君子者哉斯于祠官爲助尤著爾贈安人徐
氏貞淑之操承其家訓嚮笑之節穆其壺儀上下咸宜
織鉅畢理亦既有聞矣爾夫恪共朝夕效績明禋施于
有政念爾裨益是用加贈爾爲宜人申茲新渥追乃舊
勞

隆慶六年 月 日

曾如春父仕封奉直大夫禮部員外郎母袁氏封宜
人誥命

制曰夫甲巷之子邁迹自身尚思貽父母令名况其家學

相承而紹成厥志者哉此雖待子而顯與身自致之何異爾累封承德郎禮部祠祭清吏司署員外郎事主事曾仕乃員外郎如春之父抱方履直表正質平學舍受經賢關脫穎業成弗售穀爾後人競爽儒林振聲禮署而爾復勤訓飭勗以忠誠子之任職亦爾任也茲加封爾奉直大夫禮部祠祭清吏司員外郎豈徒及三釜之樂固將齊萬石之名

制曰古有壽母頌者稱燕喜焉夫偕老於庭聞而疏恩於朝者其爲燕喜又何如也爾封安人袁氏乃禮部祠祭清吏司者員外郎事曾如春之母出自貴胄安于素風身親艱勞性好施予事夫則順而正撫子則慈而嚴成

爾令人裨予肆祀茲加封爾爲宜人庶增崇其內階以並綏乎後祉

萬曆 年 月 日

河南道監察御史陳文燧父陳性贈文林郎母劉氏
科孺人勅

勅曰朕以尊親之恩施于有位并及其親所以廣孝理之風體顯揚之志也爾贈修職郎行人司行人陳性乃河南道監察御史文燧之父鄉閭獨行庠序知名學弗偶時通六藝而終老善足詒後授一經以起家爾子爲我臺臣皆爾之穀茲特贈爾爲文林郎河南道監察御史九原有知歆此無斃

勅曰小雅之詩有之將母來諭言人臣勤于王事而有母
在家其情固獨切也矧爾憲臣行有按部之責者乎褒
而及之抑亦可以慰其私矣爾劉氏乃河南道監察御
史陳文燧之母貧能養居警克愍可謂終溫無忝古
人匪直知勞見于愛子茲封爾爲太孺人祇服榮名永
燕爾後

萬曆元年三月十九日

山西道監察御史陳文煥父陳廉贈文林郎母萬氏
封孺人勅

勅曰制凡以諸郎錫命者每至于再惟大賚之典得以其
內外之殊官民之異更給焉昭恩覘也爾贈文林郎浙
江紹興府推官陳廉乃原任山西道監察御史文煥之
父耿欽遺安鄉閭隱德訓成哲嗣服采清時雖已受課
功之報而臺憲華階尤宜寵逮茲仍贈爾文林郎山西
道監察御史祗故申命之榮永篤昌後之祐

勅曰古今賢哲之士克自成就者匪直父教實有母德焉
褒而封之將使天下之爲人子者知感爲母者知勸也
爾封太孺人萬氏乃原任山西道監察御史陳文煥之
母持身莊正理家儉勤乃子克官益遵儀範且康寧未
艾而鼎釜方隆尤可嘉已茲仍封爾爲太孺人式培燕
喜之心益衍起居之敬

萬曆元年九月二十九日

山西道監察御史陳文煥授文林郎妻何氏封孺人
勅

勅曰朕臨萬國尊奉兩宮與在廷之士共其休慶矧茲臺
端之臣爲予振肅綱紀刺察吏治者乎爾原任山西道
監察御史陳文煥器資端雅才識通明發跡制科司理
名郡擢屬秋省甄置栢臺方爾行部之時正吾敷恩之
會瞻言簡亮宜與褒章茲授爾階文林郎錫之勅命
夫遜望而入敘闕而遷朕豈有私哉要以均內外核名
實耳爾能思勗何用不可詩有之無恒安處好是正直
此介福之自也可不勉歟

勅曰閨閫之賢有裨于哲士尚矣與之同德則與之同榮
理也爾厥任山西道監察御史陳文煥妻封孺人何氏
克有令德以宜厥家茂相哲人秉憲貞度可謂賢已茲
仍封爾爲孺人祇承從爵之榮益顯內襄之勅

萬曆元年九月二十九日

陳文燧巡按直隸勅

勅諭巡按直隸監察御史陳文燧朕惟自古帝王之治天
下者率以興學育才爲首務我國家稽古建學時用憲
臣以董督之任至重也邇年以來法紀漸隳士習歲愆
以致教壅于上風俗敝于下朕甚患之近該撫按奏稱
大同關外諸生入考不便茲特命爾不妨巡按事務兼
督各府州縣衛所儒學爾尚端軌儀崇經術精其藻鑑

勤其課程嚴飭責之條公獎拔之典毋眩華而遺實毋
避怨以市恩務俾學術還淳士有實用以稱朝廷作新
人材至意時惟爾功如或蹈常襲故違命曠官亦惟爾
望擇爾其欽哉所有合行事宜申明條示于後其慎行
之母忽故諭

萬曆二年二月

陳文煥任淮揚道勅

勅諭浙江按察司副使陳文煥今特命爾整飭淮揚海防
事務在秦州駐劄管理海防汪洋并揚州府地方相度
險要分布官兵打造海船置辦器械選募驍勇操練兵
馬區處錢糧疏通水利開墾屯田將運司三十場罷丁

盡數查出審編保甲如法訓練與同兵民緝捕盜賊保
級良善解散協從一應軍務聽爾從宜酌處所屬府州
縣衛所官并運司分官悉聽委用事有怠違指實叅治
如遇倭寇生發把截勦捕須與叅將計議而行仍兼管
河道應該修理處所照依原分信地會同河管郎中等
官協心行事爾聽提督巡撫操江及管理河道各都御
史節制其地方一切詞訟俱許受理仍分管揚州衛儀
真衛高陞衛泰州鹽城所通州所興化所春秋二班京
操官軍依期催督赴班預支糧銀隨軍解部脫逃官軍
盡法拏解應追工價照數徵完毋得延緩慢事爾仍查
兵部近題事理帶管驛傳稽覈各項錢糧嚴查應付勘

合有不奉公差及假託詐僞并驛遞官吏人等尅削包
占作弊害人者俱要格遵明旨盡法禁治每年將徵給
過站銀禁革過冒濫牌票及行過事宜開造巡撫衙門
轉咨該部查考如不用心着實舉行取貝文移了事致
滋奸弊聽各撫按官及該部科卽據事叅奏以不職論
黜爾受茲委任須持廉秉公悉心經理圖副委任如或
因循怠玩以致悞事責有攸歸爾其欽承之故諭
萬曆五年二月十三日

浙江嘉興府推官陳文昊父陳詔封文材郎母閔氏
封孺人勅

勅曰朕聞子能仕父教之忠故人口口砥節奉公著有令聞
其篤啓有自也爾陳詔乃浙江嘉興府推官文昊之父
韜華弗試樹道有聞敷厥義方迪爾哲循今爾獲履昌
祚而享高年其食報厚矣茲封爾爲文材郎浙江嘉興
府推官祿養方寧恩榮未艾

勅曰有親在則思顯揚孰不欲傲寵於國乎若乃怙恃俱
存封章並錫尤稱榮邁已爾閔氏乃浙江嘉興府推官
陳文昊之母莊靜性成惠和德備相夫偕老屬子斯材
及此成名實篤其慶茲封爾爲孺人象服是宜燕喜依
洽

萬曆七年九月十六日

浙江嘉興府推官陳文昊授文林郎妻徐氏繼室李

民贈封孺人勅

勅曰士以儒術起家用之法令欲其緣經飾律不詭於欽
恤之旨也有能以平允稱者朕必褒異之爾浙江嘉興
府推官陳文昊射策軒墀橫經師席嘉其造士界之理
刑而兩議讞精詳操持明慎簡孚之治翕然有聲茲以
考最授爾階文林郎錫之勅命古有爲司理而稱臺諫
之風者爾必企慕有素矣其尚趾美前修以光朕訓哉
勅曰及爾偕老室家之始願也願有抱中道化離之憾者
能遽忘其黽勉之勞乎爾浙江嘉興府推官陳文昊妻
徐氏夙嫺姆訓允蹈婦彛匡扶爾夫積學砥行共其勤
約弗待顯榮茲贈爾爲孺人役而有知服之無斃

勅曰家重齊體之配國頒從爵之章無幾後一評彛典具
存其曷可靳爾浙江嘉興府推官陳文昊繼室李氏禔
躬淑慎迪德臧嘉佐厥令人用法平恕雞鳴戒夕爾其
似之茲封爾爲孺人祇迓綸恩益敦嬪則

萬曆七年九月十六日

南京刑部福建清吏司主事陳文昊父陳詔封承德
郎母閔氏封安人勅

勅曰夫樹德在躬而食報於子天之所以福善人也朕奉
天道以勞群臣亦不靳馳錫之典以寵嘉之爾封文林
郎浙江嘉興府推官陳詔乃南京刑部福建清吏司主
事文昊之父備德淳龐宅心和惠善行推於鄉族義訓

篤於家庭爰啓令人揚休郎署而爾壽祺斯茂寵渥方來式穀之報徵矣茲特加封爾爲承德郎南京刑部福建清吏司主事洵膺綸綍之榮益衍桑榆之慶

勅曰壽母燕喜自昔頌之乃有具慶于家徵榮于國以克遂顯揚之願者則豈非人子之至幸哉爾封孺人閔氏乃南京刑部福建清吏司主事陳文炅之母溫惠持心肅雍著範佐夫高隱勗子顯名偕老耄耄之年並履昌榮之祚卽詩稱壽母何以加焉茲特封爾爲安人祇服恩綸永綏遐祉

萬曆十一年三月二十三日

陳文炅任刑部福建清吏司主事授承德郎妻徐氏
繼室李氏封贈宜人勅

朕元帑發祥弘敷慶澤兩都燕士褒序惟均乃司寇之屬職是祥刑以贊欽恤之政恩賚其可後哉爾南京刑部福建清吏司主事陳文炅器懷中約行履端醇自典教黌宮司刑部國擢于留省屬任秋官爾內嚴敬忌之心外暢明清之譽庶幾率職承平允惟良者焉茲用授爾偕承德郎錫之勅命夫敬五刑所以成三德也朕慕古刑措之治務哀矜庶獄以墮天下更始爾尚益茂朕德意胥占審克使民不犯于存司惟爾亦有無疆之慶哉

勅曰婦道含章弗自表見而以其夫之所樹徵之故國家

制爲內階俾從夫爵不以存歿間也爾南京刑部福建
清吏司主事陳文炆妻贈孺人徐氏柔嘉有則順正弗
愆宜其家人以相夫子俾積學修行及于顯榮爾卽葉
捐休有淑問茲特加贈爾爲安人渙渥申頌幽原永賁
勅曰夫閨幃儆戒之益不下于賓友故予臣工奉公祇敘
罔恤其私亦得諸淑行之助也恩命可或遺哉爾南京
刑部福建清吏司主事陳文炆繼室封孺人李氏夙聞
內則允紹前徽孝敬宜家勤儉主饋爾夫服在沼署敬
事愆官惟汝左右之茲封爾爲安人益懋壹儀用光象
服

萬曆十一年三月十三日

陳文燧任兵備勅

勅河南道按察司副使陳文燧今特命爾整飭大名等處
地方兵備兼管驛傳在于大名府住劄兼制山東河南
直隸鄰近州縣約束該管衛所官員及各屯軍舍餘丁
專一往來提督陳官軍民快人等防捕盜賊保障地方
兼理馬政用馬匹器械賞等項并一應合行事宜悉聽
爾區畫整理各該軍衛有司官員如有貪殘不職玩寇
殃民應提問者徑自提問應奏奏者奏處治其順德
府所屬關隘北起馬嶺口錦綉堂等口南至黃背岩等
口止并順廣二府各九縣大名府所屬十一州縣順德
守禦百戶所俱聽管理每歲六月六旬暫駐順德偵探

虜警緩急悉心調度會行各該將官相機戰守掣兵之日方許回原處駐劄若邊關非時警報馳赴料理山東河南各道盜賊人命重情爾須協力緝捕從公會問不許自分彼此縱惡長奸其驛傳各項錢糧須嚴查應付勘合有不奉公差及假托詐僞并驛地官吏人等剋削包占作數害人者俱要恪遵明旨盡法禁治每年將徵給過站銀禁革過冒濫牌票及行過事宜開送巡撫衙門轉咨該部查考仍聽河南道節制爾爲憲臣受茲委任須持廉秉公修舉武備緩輯軍民圖稱任使毋得因循怠玩自貽罪愆爾其勉之慎之故勅

萬曆六年九月十八日

陳文選任淮安兵備勅書

勅諭山東按察司僉事陳文選茲特命爾前去整飭徐揚淮安處兵備專在徐州駐劄不時往來該府并宿州邳州獨縣提督有司軍衛官員操練兵馬修濬城池擒捕盜賊問理刑名禁革奸弊一切地方事宜務要區畫詳明處置周密有司衛所官員敢有貪殘縱寇殃民者徑自提問應奏者具奏處治仍帶管河道驛傳水利營田與揚州一帶水利稽覈驛遞應付錢糧事務有無冒濫修舉廢墜附近山東河南地方盜賊人命協力追捕從公會問毋得自分彼此致有異同爾爲憲臣務要持廉秉公緩輯軍民圖稱任使如或因循怠玩罪有所歸

臨川縣志

卷之二十九

萬曆十五年二月 日

陳文燧督理廬鳳淮揚四府漕務勅

勅諭山東布政使司左叅政陳文燧近該漕運都御史題
稱漕事繁重缺官分理乞要于淮安添設叅政一員專
管前項事務該部議覆相應令特命爾駐劄淮安分管
漕務督理廬鳳淮揚四府錢糧禁革奸弊務要區處詳
明處置周密其各總船隻到淮之日尤要逐一親行查
驗催督開發毋得踵習舊弊縱容運官以未到作已到
無米作有米以致前後叅差遲悞糧運所屬有司衙所
官員旗軍人等敢有貪酷害人怠玩廢事者輕則量情
懲治重則申呈漕運衙門叅提處治爾仍聽總督漕運
衙門節制不許與各衙門叅謁并別項巡歷以妨政務
爾爰茲委任須廉謹自持盡心綜理務俾糧運無滯國
計有裨斯稱任使毋得因循怠忽自貽罪戾爾其勉之
慎之哉故勅

萬曆十六年十二月 日

陳文煥任四川按察司副使勅

勅題稱要將水利茶驛傳道裁革歸併清軍屯田道管理
該部議覆相應今命爾不妨清軍提督各衛所一應屯
田子粒務令以時耕種依期徵納禁革收放奸弊軍民
告爭田土者就行查勘分斷其管屯官吏旗軍及勢豪

無藉之徒取有占役剝削下屯軍士侵占屯田包攬屯種拖欠不完納者並聽爾拏究應奏請者指實奏奏如遇地方儀荒動支各該屯所預備米糧等項賑濟受理詞訟贓罰就發所司收掌候米穀價賤收糴人倉備賑仍提督成都府佐貳官并邛灌等縣及軍衛有司遇有陂塘堰壩湖泊等坍塌淤塞多集夫力時加挑濬深廣以備旱澇合用錢糧物料行令有司出辦若軍衛勢豪之家敢有阻撓侵占輕則量情懲治重則指各叅奏每年終將修理過陂塘堰壩深濶丈尺行令各該軍衛府州縣衙門備造文冊送部查考其茶法查照原議凡客商之通塞引目之出納歲額之多寡期限之久近稽察如弊其詳行道重慶禁湖茶照收買南安道查秤盤驗建昌松潘監番易以及中茶引稽商賈置關帖定委官查引角事務俱屬爾管理仍帶管驛傳及行鹽等項事情俱照該部近題事理而行爾受茲委任須持廉秉公悉心經理使屯糧豐足水利興舉茶鹽通行驛傳無擾斯稱任使如或虛文塞責罪不輕貸爾其欽承之故勅

萬曆十六年十二月二十六日

四川按察司副使陳文煥父陳廉贈中憲大夫母萬氏贈恭人勅

制曰朕嘉人臣幹國之猷而曲體其顯親之志于是崇其福廟錫以綸章廣孝勸忠時爲懿典爾贈文林郎山西

道監察御史陳廉乃四川按察司副使文煥之父素秉誠心力行古道敦倫睦族賢聲久著于鄉閭服義施仁慶澤遂延于堂構俾爾哲嗣作予蓋臣乃疏三命之榮用表一經之訓茲贈爾爲中憲大夫四川按察司副使松檟增輝泉臺永耀

制曰朕讀陟屺之詩而知孝子思親未嘗一日忘也故存則致靡依之愛歿則興何恃之嗟不有愍綸曷酬罔極爾封孺人萬氏乃四川按察司副使陳文煥之母夙佩圖箴穆修壺範相夫以正人稱贈佩之賢玉子于成躬勵斷機之教迨榮恩之渚至乃祿養之永違爾之賢足嘉而其志亦足悲矣茲贈爾爲恭人服寵命于玄扃播芳徽于彤管

萬曆二十年九月十三日

朕臨御益勤無怠

浙江按察司副使陳文煥授中憲大夫妻何氏封恭人勅

制曰國家衆建臬司俾之飭吏治肅邦刑贖爲重任矧益州西南都會機務尤繁秉憲分猷非人莫稱爾四川按察司副使陳文煥器識宏深才華敏練自蜚英甲第司理名邦由比部而陟臺端允副糾繩之任守專城而遷臬副弘宣保障之猷尋采師言俾忝蜀憲爾能矢忠謀而綜庶務持風紀以肅諸司百度維新群僚是式爰稽歲績深愜朕躬衷茲授爾階中憲大夫錫之勅命夫藩

泉雖殊其爲朕分理均也今爾旣忝知浙省矣尙思正己率屬保境安民益崇屏翰之勛無負責成之意欽哉初任浙江紹興府推官二任刑部福建司主事三任山西道監察御史四任浙江嚴州府知府五任浙江按察司副使整飭淮揚海防六任前職嘉慶元年制曰國倚名臣茂樹澄清之烈家資媛淑淑弘宣儆戒之勞義實相成恩宜並逮爾浙江按察司副使陳文煥妻封孺人何氏性含貞淑德載徽柔持孝敬以承尊風彰懿範秉肅雍而治內允佐清修眷言敬助之功爰賜褒嘉之命茲加封爾爲恭人祇服鴻庥益諧燕婉

萬曆二十年九月十三日

原任廣東廉州府推官陳文焯授文林郎妻盧氏繼妻鄭氏贈封孺人勅

勅曰朕慎茲祥刑教民祇德惟是郡國司理之臣是簡是必旣著茂閱能無寵褒爾原任廣東廉州府推官陳文焯擢穎賢書往司郡憲乃能廉平察麗審克協中烈在薦章雅稱能吏朕甚嘉之茲已擢爾嘉興郡丞矣而所司猶以舊績來聞是用授爾階文林郎錫之勅命夫攜李之與粵廉煩簡異地華樸異俗兵刑異職乃所由祇三事佐專城則惟此一心無異念也爾尙益懋敬慈朕且持前功責後效焉欽哉

勅曰夫結禱之婦茹荼攻苦乃垂榮而棄之此人情所甚

忍也朕體群臣可忘追卹爾原任廣東廉州府推官陳文焯妻盧氏勤佐下幃儀修中饋蔚有令聞乃早喪捐當茲宣緯之辰可無絕絃之愍是用贈爾爲孀人有輝彤管式耀玄扃

勅曰夫鸞續之賢能嗣前徽而襄成績此豈與黽勉御窮異乎從爵國之舊章何諭先後爾原任廣東廉州府推官陳文焯繼室鄭氏儉能佐肅慈以功恕淑慎紹壺賢之後勤勞爲家衆之先最在李官功迺芝閭是用封爾爲孀人益甚閨褻祇承延緯

萬曆二十四年

山東濟南府德州知州陳文焯父陳性贈奉直大夫

母劉氏贈宜人勅

制曰世有抱璞之士弗効于時而天酬之以子至于哲嗣並美國恩疊加亦足慰矣爾贈文林郎河南道御史陳性乃山東濟南府德州知州文焯之父學有源委行爲儀表慷慨德義之場翺翔藝籍之府逸雖厄于盛世風無忝于先民韞玉留餘雙珠啓後旣被豸冠之寵宜申虎行之榮是用贈爾爲奉直大夫山東濟南府德州知州勿謂一經之空負責于重壤而彌光

制曰朕加意吏治欲其視民如子則民視吏如母矣故報功及于慈闈夫有所似之也爾封孀人劉氏乃山東濟南府德州知州陳文焯之母性比珪璋慧通圖史婉而

能止儉以寶勤偕隱有齊眉之風課子成截髮之教茂
宰之弦歌百里大夫之素絲五紵原本母儀用徵閨範
特贈爾爲宜人譽光彤管思耀兼爐

萬曆三十三年十二月

會如川晉階文林郎潮陽縣知縣妻李氏繼妻李氏

封贈孺人勅命

勅曰朕以六合元元爲命乃六合元元之命寶懸於縣令
庶幾得其人而保障之朕所爲寤寐賢豪夙宵不解者
也爾廣東潮州府潮陽縣知縣曾如川夙規朗潔志慮
端純奮跡賢書綰符民社而爾廉明蒞治豈弟宜民廢
墜于焉一新凋疲賴之得所古所稱導王澤以破於下

者爾庶幾有之茲用晉階文林郎錫之勅命昔韓愈氏
治湖寶使潮士篤于文行寧惟命趙德爲師致爾亦其
躬所率先然也爾務憲於愈如所稱涵泳聖涯皇皇於
仁義者民之式爾而化也提於桴鼓懋哉

勅曰益易稱信讓禮載委禽重昏始也將賢牧是旌而真
元配弗錄無乃非經誼爾廣東潮州府潮陽縣知縣曾
如川妻李氏毓德儒紳憲規女史當哲彥下帷之日惟
是以許遠相勗優有古鳴環問佩之風惜也其與夫偕
約而弗與偕榮茲用贈爾爲孺人并珈之賁雖歿世猶
靈承之尚克紆結倘之感

勅曰夫吏也而能以弦歌和其民推其內政宜必琴瑟靜

好之遺焉爾廣東潮州府潮陽縣知縣曾如川繼室李氏秉度溫純視身孝敬當古所稱宜其家室者業從夫縮銅墨浸貴矣猶然茹澹自適爾夫以廉平馳譽有以也茲用封爾爲孺人無忘所爲佐夫於官成者以稱茲象服

萬曆二十二年九月五日

曾如川晉階奉直大夫無爲州知州妻李氏繼妻李氏封贈宜人誥命

制曰國家分州置牧職介郡邑之間其親民也視令其率屬也視守厥任亦稱重矣爾直隸廬州府無爲州知州曾如川才識精明性資端謹筮官壯縣晉典方州四封

流豈弟之聲三載著循良之績程書來奏朕用爾嘉茲授爾階奉直大夫錫之誥命士之練事期于綿吏積邑而州厥有成效則無難族牌矣爾尚益懋初志勿墜後艱朕將視成而登進焉欽哉

制曰夫士積學成名未有不資內助者雖其既歿而褒卹及之制也爾直隸廬州府無爲州知州曾如川妻贈孺人李氏性合溫惠儀表柔嘉夙效交勤之勞不逮借榮之典眷言往勤載錫崇褒是用加贈爾爲宜人寵光浴被于下泉譽問未流于中壺

制曰夫婦齊體爵亦如之國有彝章不以先後間也爾直隸廬州府無爲州知州曾如川繼妻封孺人李氏克閑

內則允紹前徽玕璜無替于壺儀荆布有裨于官政爰嘉協德宜濡渥恩是用封爾爲宜人祇承象服之榮益效雞鳴之儼

萬曆二十六年七月

陳文韶任浙江寧波府奉化縣知縣授文林郎妻朱氏封孀人勅命

勅曰朕憫焉思與邳理而懼澤不下究民之疾苦壅于上聞也歲遣使者察舉沿行其有循績茂明者朕不宿賞爾原任浙江寧波府奉化縣知縣陳文韶掄英棘省造士璜官兩邑剖符三年報政大吏謂爾風規朗潔韞藉閎深恩偏于窮簷四郊春暖威訖于馮社六案風清薦躋屢揚官箴不墮頃已論最擢爾方州矣仍以舊闕授爾階文林郎錫之勅命曩爾兄爲御史以譴直聞爾爲令以循良著勦孽爭奇何陳氏之多元季也懋之哉爾治平原毋忘令奉化時以需予一人之特簡

勅曰良有司胡考夕序畢精神于四境而不以內顧分也必有淑媛操閭政焉藉令如北門大夫孤廉挫于交謫矣爾原任浙江寧波府奉化縣知縣陳文韶妻朱氏婉嫻無愆柔嘉維則寶勤與儉佐清節于羔羊能愛且勞啓令猷于弓冶江沱逮下綦縞從官循蹟有成閭儀益著是用封爾爲孀人新佩太珈之賁益陳五馬之規

萬曆三十二年二月 日

陳文昭任山直州知州授奉直大夫妻朱

氏封宜人勅

制曰朕惟平原當水陸之衝止控神靈下疏河艘非得兼濟之通儒未易安輟而理也爾山東濟南府德州知州陳文昭賦材膚敏矢志端醇樸棧施于豫章雨露留于越水乃典州牧益懋蜚聲導大窳以苦新琴絲而自澠某嬖倖自恣照盜然膏膏之流民以和寧庶無留滯爾兄正直爾則循良是用授爾階奉直大夫夫錫之節命夫士之勞苦職業者恒患不得自察于上以爾去天甚近而朕亦既知之矣尚有疑慮哉勉思悶悶之政以終前績朕有顯耀

制曰斗棠之咏次子采蘋豈非以旬宣之績必藉襄閭門與從爵而貴有與偕崇矣爾山東濟南府德州知州陳文昭妻封孺人朱氏儷德哲人秉規婦順環佩之行中律錡釜之薦有齊佐膏火于丁年贊簿書于丙夜勞不一著命宜再申是用封爾爲宜人載頒象服之章益徵雞徽之好

萬曆三十三年十二月 日

贈原任廣東惠州府海豐縣陳鍾盛父陳朝培贈文林郎妻鄒氏贈孺人勅

勅曰語曰是樵是菘必有豐年士讀書勵志未竟厥施而貽穀式以俾後人席乃芳徽而光闡之與自身顯庸何

異也朕爲人臣追崇之爾監生陳朝培乃原任廣東惠州府海豐縣知縣鍾盛之父辟雖蚤其文譽縹緗富于腹便當其從父服官篤溫清而匪惰有時急病親參朮以自調因悟養生之方遂普利物之惠而孔懷兄弟各戀慈親蠡吾王商推財哀其終并嗣陽廣慶讓第痛其匪他惟孝友爲政于家肆詩書克昌厥後茲贈爾爲文林郎廣東惠州府海豐縣知縣嘉青箱之遺澤賁元嶠以疏榮

勅曰昔人捧檄而喜謂我實有母若當列鼎之日深懷抱器之悲言念劬勞詎忘聖善爾鄒氏乃原任廣東惠州府海豐縣知縣陳鍾盛之母慈儉性成端莊少習奉姑

節儀以進孔孝佐陔蘭對案解贈于珮環敬昭泚藻庭無諱諱室有肅離嚴成子諒之風慈絕姑息之愛迨于命子遂有嘉謨茲贈爾爲孺人賁恩光于元壤酬慈慕于白華

天啓三年三月 日

廣東惠州府海豐縣陳鍾盛授文林郎妻傅氏繼室周氏贈封孺人勅

勅曰朕聞東粵志稱海豐僻處一隅其民習于沃野盤遊爲適此汰微也俗沃必淫心而舍業民沃則逐末而遺本命茲土者非真負材局載其清淨以風也其何得支應焉爾廣東惠州府海豐縣知縣陳鍾盛敏幹冲襟定

猷亮職一翹蒞榜府綰花封而爾持拔薤之嚴宵夫共
嚮凜懸魚之介處于同貞調政務在引繩理煩恢乎游
刃甘棠勿剪梁化猶適彼樂郊春露初濡羊城又熙于
化國旣移爾旺邑仍以舊秩覃敘授爾階文林郎錫之
勅命漢循吏所居民富所去見思爾異時民歌舞之矣
今爾治之民又復尸祝而社稷之吏非必有譜如爾之
來暮興謠卽爲譜矣欽哉

勅曰遺桂之悲人情乎况當顯庸之日悼蘭芳之早萎念
蕙問之猶馨使人何能已已也爾原任廣東惠州府海
豐縣知縣陳鍾盛妻傅氏動輿禮遊靜與義立居室則
道齊師氏有行則德配女儀乃丙夜篝燈相勸鵬鸞之
志而丁年捐珮竟捐燕婉之芳降命不長惟德之吉茲
贈爾爲孺人尚歆紫綉之恩永作黃爐之貴

勅曰令戴星出入遑問戶內蓋觀甘棠之咏次于采蘋而
知政平訟理閩德雅行勞焉爾原任廣東惠州府海豐
縣知縣陳鍾盛繼妻周氏風規閑靜德度端良仰紹前
徽解珮做勤于中夜允從婦職服恭勵介于從官室無
間緘之勞囊有飲清之色旌庸花縣錫籠蘭衡茲封爾
爲孺人祗膺翟服之華益切羔絲之敬

天啓三年 月 日

曾棟任知縣封贈父母勅命

勅曰世士宦之家能先德而後藝好義而輕利使子姓效

之可以作公忠之念而興廉吏之思國家賴此老成人
有顯施焉爾曾世傑乃浙江金華府蘭谿縣知縣棟之
父雅好詩書專言道德孝友通乎天地嫺恤徧於宗閭
有司數舉楷模賓筵式序邦井自留名迹偃室不窺洵
稱明德之家宜產親民之吏而爾切切乎廉仁是訓治
效益有繇焉茲特覃封爾爲文林郎浙江金華府蘭谿
縣知縣用展未舒之蘊以徵必報之修

勅曰字人以吏食而教之民戴爲慈君焉母所遺也政成
而樹蔭遺感朕甚憫之爾高氏乃浙江金華府蘭谿縣
知縣曾棟之母女稱奇孝婦備柔嘉善事二人克諧閨
室承夫嚴敏道能濟以寬和遇歲凶饑力因愛其獨匭
毋極延師之苦予偕待聘之珍今始剖符爾猶垂訓今
而後九原之喜可知也茲特贈爾爲孺人尚歆方煜之
禴益祚將來之祉

天啓二年五月二十九日

曾棟任主事封贈父母勅命

勅曰德之盛者心不期聞用于當時者也然而士之子恒
爲士意其人植本龐厚必式穀永譽以大其家傳雖雅
志逃名而德施遠被名將焉賓乎爾封文林郎浙江金
華府蘭谿縣知縣曾世傑乃禮部主客清吏司添註主
事曾棟之父素履端方實行醇篤譽不出於鄉較蹟已
徧乎山川貯萬卷以裨躬獨惇懿軌全五經而誨子決

起多賢庭訓何止二聞秩宗久資三禮血窮施椿德溥
間閭拯溺爲梁風高假介稟之官之明誠發英嗣之嘉
猷秀峙玉冠隆儀光于蘭署器存清廟登寵錫于椿庭
是用加封爾爲承德郎如子官德輝丕耀巖棲壽祉長
隨川至

勅曰閨閣之賢其名最不易傳而光譽忽流于王家者何
哉以有子也士一善揚名亦稱令人况嫻天地之節而
王猷增賁光如之何爾贈孺人高氏乃禮部主客清吏
添註主事曾棟之母夙嫻內則作配隱姿代禱髣齡衆
共窺其至孝課文達旦子克課以成名操作願以身先
罔識花封之絢爛平反乃爲邑喜誕發蘭檢之馨香淑
尚如新綴昔載起是用加贈爾爲安人洵頌崇潔之芳
永作元福之賁

天啓六年三月十九日

曾棟任員外郎封贈父母勅

勅曰夫士誠砥躬緼秀探龍二酉規象三玄未必身膺華
膺而式穀後人徽榮國命固天地挹注之權亦國家闡
幽之典爾累封承德郎禮部主客司主事曾世傑乃禮
部祠祭清吏司員外郎棟之父性秉醇凝學窺淵奧賦
成黃鵠束髮而名噪諸生志托冥鴻鍛羽而跡淹專壑
家庭自爲師友裴藎代以詩書課子則隸莠同華雅克
周堂之構謀孫則鶴鶴聯翼方芑謝砌之蘭天特昇以

壽康人說師其道德醜頰未艾燕翼全昌茲用封爾爲奉直大夫禮部祠祭清吏司員外郎錫芝簡以馳榮衍喬松而介祉

制曰自古賢母有依膠庠而訓俎豆者其子卒爲命世大儒乃知禮官之漸于母教者多也君子方蜚英蘭畧而母已先謝讓闈愍綸其可緩哉爾累贈安人乃禮部祠祭清吏司員外郎曾棟之母範出名門性閑懿則垂髫卽徵孝行施衿益著徽音鐘儼相夫學業與德施並茂熊丸訓子家修偕庭獻交箴乃鸞輶早違致烏啼痛切相予肆祀嘉靖廟之才臣憶爾詒謀闡幽扁之慈母是用加贈爾爲宜人象服增輝于梧檟龍章永慰夫蓼莪

崇禎元年十月二十九日

曾棟任郎中封贈父母勅命

制曰國家隆勅士之典以待有績之臣不特以乏優其子而且以之嘉其父非過也宜也爾曾世傑羊山鍾秀汝水發祥奇擅揆天驅淵雲子筆陣孝敦愛日虔菽水于庭除迺勤董子之薰帷未遂毛生之脫穎爰撫昂霄瓊幹培風結好德之鄰聿霑湛露全華稱壽賁褒封之寵子美河東鳳穴孫稱渥水龍駒瞻予畫省之臣資爾過庭之禮用是封爾爲奉政大夫禮部精膳清吏司郎中寶麟揚芬長展九如之祝銀章旣命祇承四錫之榮

制曰朕聞珠胎吐焰則照乘炫奇玉幹盤根皆滋膏沃瑞

雖機聲之已遠而荻影之尚留不有爽綸曷彰聖善爾
贈安人高氏廼禮部精膳清吏司郎中曾棟之母選儀
圖史著範閨闈象易之卦叶家人遵禮而闢影內則清
宵佐讀篝燈每對晤伊白晝聞噫提攜不忘操作教子
謹擇交于剪髮傳經閑習苦于和丸迺厥嗣雄飛而慈
暮仙杳興歌北樹寸草英報吞暉永慕南陔明綸代將
鼎養茲用贈爾爲宜人闡懿重泉表河山之淑度披香
載命賁隴隧之休光

崇禎三年五月

日

章正岳封贈父母勅

勅曰昔稱傳琰家有令譜夫必譜而令幾無令乎必令而
譜歟無譜者誰正以經貽子以穀此其名約而用宏矣
爾生員章伯諫乃直隸大名府魏縣知縣正岳之父經
談折獄筆揆決河推產家人風雨甘其如晦置塾刑士
菁莪藉以多聞子舍寢膳之喪老至彌篤孝友隣屋牙
角之語紛來輒解羃爭不慙碩儒但開良牧是用贈爾
爲文林郎直隸大名府魏縣知縣介以露蕭之祉伸其
風木之思

封劉氏太孀人

勅曰古婚姻每重門閨如峯盧于謝然者濬祥之源風絮
懸殊則後昌窩先合也爾劉氏乃直隸大名府魏縣知
縣章正岳之母世著高華德饒共穆厥姑伊姊齊傑時

其起居維族及鄰有無通其黽勉夫云積學每勤中夜之規子也樹名不廢北堂之誡兩葉懿矣一筭貽之是用封爾爲太孺人江霞綸燦芝函霄發珈輝萱砌

崇禎 年 月 日

章正岳授文林郎妻聶氏繼妻朱氏封贈孺人勅

勅曰由俗之政畢命記之以河朔格鬪之區爰隸內甸則大猷之升也揆文能邇是曰善經終不以醇醲之餘弛念茂明之吏爾直隸大名府魏縣知縣章正岳環文

清韻孤桐金矢懸庭威雷訖於拔薤榆桑翳野作息銷其探九雅志懾雄心俠窟不令走險神君兼保母周澤大慰顧若是用授爾偕文林郎錫之勅命昔者爾不

嘗令杞乎彼固夏后氏之遺也爾亦爬疏與剔紳有播聞若泗水隣在殷墟知爲朕苦心慮深遠矣無勿成勞式需密寄

勅曰白首相莊人情乎學成宦立厥肆不細未秋先零國香之嗟有以也爾直隸大名府魏縣知縣章正岳妻聶氏賦質婉韶寄衷簡遠茹貧攻苦擇坦腹以于歸上敬下和克齊眉而無遂夫爲令者至出入戴星亦云勞矣廼有爛之視無亦惕之床簟素歟酬勳未薨餘馨可念是用贈爾爲孺人宿草之葉式增遺著之痛可慰

勅曰撫成室而有之者主閭小釋拮据贊德實承光大故降則其臧替則其愆若佐時宇氓愈多途而叢責矣爾

直隸大名府魏縣知縣 岳繼妻朱氏姆訓素閑婦
爨蚤慧兩姑勤杖輓篤孝不假刑于諸媵洽衾裯渥恩
干歌酷彼前芳未墜寧寄恨于遺衽內顧無煩益蜚聲
自游刃是用封爾爲孺人齊無數其儻被蓉永集以充
二幃

崇禎 年 月 日

章光岳封贈父母勅

勅曰蓋聞之一樹一獲者穀也一樹再獲者木也夫士之
植學深而培德厚者其所獲報亦若斯焉已爾生員贈
文林郎直隸大名府魏縣知縣章伯諫乃刑部雲南清
吏司主事光岳之父幼負穎資長探奇字成身不遺乎

物與衆唯

敦棣萼之驩寧讓甘而茹苦樹粉

偷之表肯毀方以合員遇厄雲霄業傳弓冶茲贈爾爲
承德郎刑部雲南清吏司主事章不效之名用舒未
竟之老

勅曰祿養之興榮名孝子所不必兼致於親也惟子能兼
之其親又能兼以身享之斯稱完福矣爾封太孺人劉
氏乃刑部雲南清吏司主事章光岳之母士女淑儀名
家遺範婦道兼以弟道底豫衰姑嚴親輔以慈親克成
令子雙珠並價片玉長珍時借七箸之加用示平反之
戒是用封爾爲太安人爰賁絲綸之寵益增鼎釜之驩

崇禎 年 月 日

章光岳授承德郎妻吳氏繼妻饒氏封贈安人勅

勅曰昔人有言三尺人主所以共守何其重也朕重法因以重其官非明允篤誠不在剖決如流抑亦摘發竒中法曹之選爾實其良茲授爾階承德郎錫之勅命爾今以最擢駕部矣記曰駕車者反之必前其馬言馬習而後服官非可服而後求習也爾昔職華事簡要所騁驥材夫惟簡於事然後得以其間而習天下事任重致遠自今日始爾其欽哉

勅曰夫婚姻之醮婦也申以著代與男子無以異結褵之配重可知也豈其已逝而蒯管棄之爾刑部雲南清吏司主事章光岳妻吳氏玉質惟溫蘭儀斯遠二歲爲婦

廿竊室之勞百年歸居憐同穴之志壺留令儀家繫餘思爰尋菡芷之芳益動玃環之感是用贈爾爲安人錫顯寵以同榮慰幽魂之異穀

勅曰士惟不監祥刑誠時監于播刑之迪罔不由慰日勤而皇家之恤乎則室足重已爾刑部雲南清吏司主事章光岳繼妻饒氏克慎其儀不愆于則和蒸同室孝豫重闈鳩伺均施兒無常母機尊並挹室靡異材家範克開官箴交儆用昭義問以贊明刑茲封爾爲安人初賁六珈爾章四德

崇禎十三年 月 日

章世純移贈父勅

勅曰古者冢宰降德於衆兆民語教孝也則夫冢宰之屬不以身先親而欲移榮禰廟者寧非教孝一端也哉爾章伯玉乃吏部司務世純之父孝友性生詩書世業收遺骨于東岱奉隻影于北堂翼植先昆仲以嘯枯手書釋祖編而發覆門多英士代有聞人是用移贈爾爲登仕佐郎吏部司務煥國初命之章闡鄉三物之教

崇禎十三年

月

日

